

提督浙江學政僉事豐潤谷應泰論正

太祖起兵

明太祖之起兵濠梁也。鼓其銳氣。所向披靡。六年之間。北取滁和。南收姑孰。金陵一下。天物克基。雖曰神運。蓋亦有人事焉。方其火光燭空。紅羅浮水。雷雨成塋。紫衣侍疾。以至伽藍立兆之奇。黃雲覆城之瑞。論者嘖嘖。莫不謂生而神靈。天之所授也。然予以厚德隆嶠。實則命世之器。非夫羣雄草竊。所能闖奸而覬覦者。觀其救民塗炭。除暴去苛。縱還婦女。不貪玉帛。納陶安之說。進馮國用之謀。是其仁也。褒嘉靳義。禮葬福壽。赴子興之難。縱瑩先之去。是其義也。克太平而延見名士。入金陵而拊慰父老。是其禮也。還軍降定遠。移師救六合。借天語以拒酖毒。環宿衛以定反側。是其智也。擊海牙於黃墩。磨過春於采石。坐叱元使者。不奉韓林兒。是其勇也。嗟乎濠城之起。始於揭竿。乃能規模弘敞。有茲不世出之略。是則五德既備。百神自呵。而術數之家。沾沾以休徵福應為王者受命之符。則但知其得天。而不考其順人。良足哂也。雖然。尤有異者。風雲之聚。杖策來歸。心膺爪牙。篤生江介。徐達湯和。起於同里。朱文正李文忠。興自戚屬。李善長馮國用。近出定遠。鄧愈胡大海。卽在虹縣。常遇春懷遠之雄。廖永安巢湖之傑。一時功臣。人如碁布。地皆錯壤。豈高祖從龍。多由豐沛。蕭王佐命。半屬南

陽○天○生○真○人○固○若○類○聚○而○扶○掖○之○者○耶○然○而○帷○幄○善○謀○汗○馬○著○烈○君○臣○之○間○相○需○魚○水○豈○盡○地○脈○使○然○哉○人○材○良○足○多○也○

平定東南

語○云○始○事○者○盛○於○東○南○收○功○者○多○於○西○北○然○秦○據○咸○陽○混○一○區○宇○漢○都○關○中○長○轡○六○合○於○是○談○形○勝○者○以○爲○三○吳○於○越○勢○同○叢○爾○無○足○貴○也○乃○高○皇○帝○略○定○金○陵○分○兵○浙○右○經○營○江○介○之○間○華○路○偏○隅○之○地○若○旦○夕○能○不○緩○者○勢○有○所○不○得○已○也○蓋○其○時○士○誠○國○珍○窺○吾○肘○腋○元○人○失○馭○彼○且○磨○牙○而○爭○我○有○遺○利○彼○將○乘○之○我○有○棄○貨○彼○將○資○之○顧○安○得○而○不○汲○汲○耶○方○是○時○完○者○圖○守○鎮○江○楊○仲○英○守○甯○國○張○明○鑑○據○維○揚○八○爾○思○不○花○駐○徽○州○石○抹○官○孫○守○處○州○其○弟○厚○孫○守○婺○州○伯○顏○不○華○守○衢○州○以○至○鄧○仲○謙○拒○命○於○新○淦○任○亮○擁○衆○於○安○陸○十○年○之○內○諸○將○效○忠○天○心○佑○順○櫛○風○沐○雨○以○次○削○平○何○其○偉○與○然○皆○折○矢○費○糧○銖○積○寸○累○婺○括○之○間○反○者○再○起○蓋○戡○亂○若○斯○之○難○也○假○令○半○壁○垂○成○虛○名○別○奉○感○諸○將○之○議○正○林○兒○之○位○則○彼○將○遙○擅○太○阿○予○奪○愛○憎○盆○子○聖○公○必○隳○大○業○時○無○青○田○沮○散○厥○謀○卽○江○左○非○吾○有○也○若○夫○命○康○茂○才○爲○營○田○使○而○積○貯○豐○盈○設○民○兵○萬○戶○府○而○農○戰○復○古○規○取○襄○漢○諸○郡○而○上○游○建○瓴○屈○劉○宋○四○先○生○而○忠○益○漸○廣○凡○諸○良○法○美○意○靡○不○始○自○江○南○而○王○者○大○一○統○之○業○旣○肇○基○於○此○豈○若○典○午○之○短○馭○建○炎○之○弩○末○乎○

太祖平漢

慨自元人失馭。羣雄蠡發。逐鹿之夫。所在都有。太祖崛起濠梁。而同時並興者。則有張士誠。據吳。徐貞一據蘄。明玉珍據蜀。方國珍據浙東。然皆闔門坐大。非有圖天下之志也。獨陳友諒。以驍鷲之姿。奄有江楚。控扼上游。地險而兵強。才剽而勢盛。實逼處此。以與我爭尺土者。非特漢之文伯子陽。唐之世充建德而已。乃太祖之用兵也。先規僞漢。後取僞吳。成算在胸。次第不爽。於是龍江拔柵。大奪戰舸。柴桑陳兵。自天而下。不待康郎報捷。湖口移軍。而敵在目中。氣吞小醜矣。雖其閭茂才作謀。韓成赴江。履尾乘危。亦煩經畫。而太祖屢挫。而氣不折。友諒小勝。而志益驕。此明之所以興。漢之所以亡也。至若友諒者。本沔陽漁家。刀筆小吏。徒有凶殘。實無功德。干城仗曹勝。而旋即殺之。北面事壽輝。而旋即斃之。名實交喪。忠勇並失。誠所謂糶聲紫色。聖王之驅除耳。而論者以周顛仰天。鐵冠大笑。劉基之手。揮難呈。雷老之忽。然不見。王者所至。諸神效靈。而不知友諒者。犯順多。黑闥之風。歸命少。竇融之智。盜竊空名。進退無據。抑亦人謀不臧。匪特天亡之也。然而江夏既平。漸可北窺。襄鄧荆揚。混一。便當分下中原。從此摧枯拉朽。帝業已成。宜乎太祖有云。此賊平。天下不足定也。雖然。尤有異者。友諒初破太平。僭稱大號。兵來甚銳。議者欲降。獨劉基以爲取威定霸。在此一舉。豈直周瑜決策。孫不降。曹實乃隨何絕使。漢終覆楚。安危之機。豈不以謀哉。

太祖平吳

張士誠本泰州鹽僮。至正十三年。以十八人入高郵。元兵百萬圍之。弗克。而士誠孤軍轉戰。北跨淮海。與山左相距。南據浙西。與方國珍接境。中間帶甲數十萬。沃野數千里。卽未能藉其富強。削平區宇。而官山多鼓鑄之資。煮海盡魚鹽之利。儻更勞心苦志。收召豪傑。倣典午之化龍。憑赤烏以立國。則江南雖小。可得而王也。乃論者以士誠之失。在深宮高拱。上下相蒙。驕將李伯昇。呂珍之徒。皆齷齪不足數。黃蔡三參軍輩。又迂闊昧大計。以故謀主被縲。爪牙受縛。而予以太祖有可乘之敝。三士誠乃內懷異懦。坐失事機。此其所以亡也。方士誠之竊發也。距太祖起兵僅一年耳。其時太祖者。濠圍初解。鄉里募師。未敢窺江外一步。而士誠不以此時長驅姑孰。略定金陵。爲百里趨利之謀。奮一鼓先登之氣。其失一也。洎乎友諒僭號。約同入寇。而江州兵下。議者欲降。明師單弱。勢岌岌矣。士誠又不以此時乘夫差之伐齊。規卞莊之刺虎。而保境苟安。喙息旦夕。其失二也。及乎僞漢屢搆。鄱陽大戰。輔車唇齒。可爲寒心。士誠又不以此時倣樂毅之結韓趙。孔明之教東吳。而肥瘠越秦。不關疴癢。其失三也。比至江楚悉平。藩籬鞏固。全軍并力。捲甲東來。此時強弱之勢已明。衆寡之形不敵。譬之孤豚。昨虎。燎髮洪鑪。必無幸矣。爲士誠者。宜以犧牲玉帛。待於境上。河西三郡。獻自寶融。新都六城。保於汪氏。庶無喋血之憂。不失通侯之賞。而反鼓厲用兵。分番四出。命尹義陳旺。逆戰太湖。朱暹五太子。結寨東阡。又以張

天賦當北路黃寶當南路陶子寶當中路卒之桑榆不收噬臍無及齊雲一炬闔室自焚豈太祖滅士誠者蓋士誠自滅之也然人但知友諒之失在輕戰而士誠之失在自守不知輕戰之弊原於氣驕自守之私叢於志滿急攻晉而恃秦遂困不伐魏而蜀業亦亡過猶不及斯亦魯衛之政與雖其後士誠頗絕粒自經辭無撓屈然隗囂惡憤公孫洞胸遊魂倔強何足數哉

方國珍降

元至正八年方國珍以黃巖黔赤首弄潢池揭竿倡亂西據括蒼南兼甌越元兵屢討卒不能平以至五年之內太祖起濠城士誠起高郵友諒起蕪黃莫不南面稱雄坐擁劇郡則國珍者雖聖王之驅除亦羣雄之首禍也然而國珍地小力少不足以張國餉置援絕不足以待敵此惟識略過人真知天命若陳嬰以兵屬漢高馮異以地歸光武則功垂汗馬名在雲臺豈不善始善終哉而國珍者市井之徒斗筲之器宜其無定見也夫國珍智昏擇木心懷首鼠懼明之侵軼則受撫於元以壯其虛聲懼元之窮追則納款於明以資其外衛其效忠於陳友定也豈非河朔之劉琨西涼之張兵而侍子於明太祖也又豈非下江之王常吳越之錢俶正所謂猶牙搖尾荒忽無常毋論明室鼎興貽羞鬼蜮就令元兵晚振亦斬鯨鯢蓋首尾衝決無一而可者而彼終恃狡謀依違兩墮則以攝乎大國之間遷延歲月之命耳然究竟友諒兇強士誠給富無不先期殄滅而國珍以彈

丸之地。乃更支離。後亡者。非國珍之善守禦。而太祖之善用兵也。太祖之意。以用兵如攻木。先其堅者。後其節目。故先平吳漢。後讓國珍。緩急之勢。所不得混也。而中間允其納幣者。一遣使招諭者。再。又且推暹質子。姑置後矣。蓋吳漢者。門庭之寇。赴之宜速。而國珍者。樊籠之鳥。取之如寄。毋亦米成山谷。盡天水於目中。豈真兵白頭鬚。置隴蜀於度外也。卒之六師既加。竄奔海島。計窮歸命。傳送京師。語云。不爲禍始。又云。無始亂。國珍之竊據。非分。適足爲新主資矣。

太祖平閩

太祖之取閩也。嘗分兵從兩道入。胡廷美。何文輝。由陸路。湯和。廖永忠。督海師。而其時爲元守封疆者。則福清人陳友定也。友定以布衣談兵。謁州判蔡公定。從攻延邵諸山賊。起家巡檢。歷功擢行省平章。何其偉也。乃其爲人。勇沈喜游俠。捐軀報仇。不問生產。又且明兵壓境。義無反顧。殺使者。盟諸將。嬰城固守。誓死報元。豈非孽孽尤異者歟。方羣雄割據。中原雲擾之時。友定藉海舶之利。乘間門之險。北引東甌。南襟嶺表。練兵積粟。專制一方。則無諸之業。閩越王之尊。可坐而致也。又不然。則如徐煜之在江南。錢俶之據吳越。持虛名以奉唐。挈土地以歸宋。列爵王侯。不失富貴。亦數世之利也。乃友定計不出此。始終爲元。延平垂破。慷慨就死。仰藥復蘇。父子駢戮。亦足愧智士之持兩端。人臣之懷二心者矣。雖其間胡深之殺。頗有狐疑。劉守仁之降。亦多猜測。定之

方略要亦未稱盡善。而英輔與哈麻以自經告終。金子隆與馮谷保。又血戰致斃。蓋若田橫既死。義士悉從。李芾自裁。潭城皆盡。豈非激於忠勇。奮臂不顧者耶。然予獨怪至正之末。猶德祐之末也。內則叛官離次。外則委印棄城。一矢加遺。望風相屬。乃其部落多奔潰。而閩人獨爲扼守。京畿多散亡。而閩地獨能死守者。豈漢室將衰。邊庭請附。晉家解紐。張駿稱藩。荒裔絕域。固未測中朝之虛實也。

平定兩廣

吳元年。太祖命平章楊璟。由湖廣取廣西。又命征南將軍廖永忠。由閩之海道取廣東。兩路進師。剋期同發。趨之如猛獸。鷲鳥。迫不及待者。蓋亦乘新勝之威。振發蒙之勢者也。夷考其時。淮北山東。曾無經略。秦晉關陝。尙懸度外。止徐達一軍。由淮入河。長驅北伐耳。夫咸陽建瓴百二。非止珠崖銅柱之險也。中州沃野千里。不特桂林象郡之饒也。三晉兵馬莫強。又不止於佗之夷風番禹之敝俗也。乃太祖不并力中原。而分兵南徼。不急爭隩府。而先事蠻方。緩急之數。得毋出於下策乎。而予以爲不然也。方其時。元人地大力全。雖遣王時。未窺虛實。合衆叩關。計需歲月。而江南之地。漢吳閩三方並沒。所向無前。粵服先聲。畏之如虎。更若一矢加遺。即可傳檄而定。兵法云。避實擊虛。又云。攻其瑕。則堅者瑕。於是。由武岡入者。皆長鬣之精騎。從海道入者。下樓船以濟師。而又以陸仲亨一軍出贛。踰嶺。批吭搗虛。雖淮陰之用兵出奇。岳侯之神算料敵。不是過也。究之楊璟戰功。止

全永二州廖永忠戰績止三山一寨而靖江不下稍煩兩軍合圍旬月耳其餘郡縣無不開門納降望風迎降兵不血刃而拱手得之者則太祖之廟算長也聞之孔明伐魏先定南苗秦國自強首吞巴蜀蓋正向而爭天下者殊恐人之議其後耳況乎南方既定兵力有餘海王坐收軍資尤盛因而還師轉戰埽滅上游楊璟著唐州之功永忠鼓夔門之捷與徐達諸軍相爲犄角克奏蕩平譬之光武悉定江淮然後一意隴蜀宋主先取兩川然後專辦東南所謂事形已濟迎刃而解者也至若元左丞何真者拒自王之謀全歸命之義而太祖嘉其保境息民與竇融李勣輩爭烈嗚呼不誣矣

北伐中原

高帝起淮右布衣定鼎金陵削平吳漢奄有荆楚開拓閩越固已志清中原之民氣吞大河之北矣吳元年遂命徐達常遇春大舉六師奉辭伐罪乃不鼓我朝銳直搗幽燕而先取山東撤其屏蔽轉戰河南斷其羽翼再取潼關據其戶檻然後彈丸孤城所向必克猶之酈生說漢首下陳留光武滅新先收宛雒蓋論事者動言高皇之英武而不知平生之謹慎也至若虓虎之巨貔貅之佐莫不汗馬功高風雲氣壯以故塔兒灣之捷河西務之捷通州開平之捷比之垓下合圍悲歌四起昆楊大戰屋瓦皆飛固宜開國承家勒銘鐘鼎者矣然夷考其時大軍戡定者猶少先聲歸命者更多於凡青徐各郡千里扶攜竟豫諸司百城分潰東河在平小邑也而

降○濟南○汴梁○巖城也○而亦降○馬德陳○秉漢人也○而遁○忽林脫目○元種也○而亦遁○蓋以其時乾綱廢弛○羣情宣散○柄○巨尾大○既誅帝后○東宮腦滿○擅討儉邪○以至開河起大業之愁○鼓櫂有海山之戲○又且列圖素女○拱手望夷○日肆恣淫○坐視瓦裂○太祖之興○豈非天之所啟乎○況乎禡牙北出○伐亂救民○屢詔軍中○勿妄誅戮○破都之日○市○不易肆○彼以暴○吾以仁○彼以昏○吾以義○克紂都而去殷○弊政入咸陽而除秦苛法○從知天命之有歸○乃在人心○之豫附矣○若乃會議端明○棄同甌脫○叔寶全無心肝○紀侯大去其國○審德量力○吾何責焉○獨是伯顏入宋○妃后○皆俘○明室破元○嬪嬙不御○忠厚開基○又何必天道之好還也○

略定秦晉

初○太祖之北伐也○直趨青濟者○正兵也○而西扼潼關者○疑兵也○故以徐中山大軍○搗彼胸腹○而以馮宗異孤軍○綴○彼聲援○原未嘗命其仰關而攻○躍馬而入也○此時元將之守晉者○爲擴廓帖木○其守秦者○爲李思齊○張思道○皆○庸才耳○擴廓之應詔入援○出雁門○經居庸○其算神矣○而太原根本○空國而去○一軍奄至○巢覆穴傾○此晉之所以○亡也○李思齊負百二之險○藉建瓴之勢○乃不捲甲出關○以斷河南要路○而反徘徊關內○風鶴驚奔○使宗異拱手○而取河西○安驅而入華陽○此秦之所以亡也○假令擴廓留守○如孟德之保三城○思齊出關○如趙奢之爭閼與○則○明之重兵深入○雲代○既壓其前○韓魏又議其後○安懼未去也○速重來○安危之機○正未可必也○秦何徐常諸將○由

豫入晉。自晉達秦。擴廓不戰於北平。而戰於晉陽。思齊不戰於河津。而戰於峭底。譬之腐鼠孤雛。直坐受人縛耳。然又不特此也。思齊以父行。岌強擴廓以私。釁稱兵。大敵在前。而兩虎自鬪。遂使明兵直入河南。迅掃上谷。方始解甲西歸。輸誠結好。憂卞莊之刺。講廉藺之歡。嗚呼晚矣。以予觀之。唐起翼方。混一區宇。秦據雍州。蠶食六國。而元末武臣坐失事機。怯於公戰。正所謂偏強羣莽之間。遷延歲月之命。豈真仗義勤王有深圖遠算之概哉。至於韓札兒之河湟剽掠。張良臣之慶陽復叛。而明師乃能西臨驛馬。東叩大同。出奇無窮。料敵制勝。則晉室之表裏山河。秦地之隩區陸海。安得不爲新主資也。

故元遺兵

塞下之險。東起開鐵。北歷喜峯。西互偏頭。五灰相距二千二百里而遙。乃欲阻長城而堵之。列亭障而蔽之。設險守國。蓋其難哉。若夫高皇之定天下也。與漢唐異。漢唐之主。所稱勝國之孽者。悉中原人耳。乾符一御醜類。盡殲寶籙。攸歸餘屑。草面然而漢圍白登。居苦突厥。內地既輯。邊患乘之。強弩之末。殊未可以易視也。又況順帝北出漁陽。旋輿大漠。整復故都。不失舊物。元亡而實未嘗亡耳。於時忽各一軍駐雲州。王保保一軍駐沈兒峪。納哈出一軍駐金山。失喇罕一軍駐西涼。引弓之士。不下百萬衆也。歸附之部落。不下數千里也。資裝鎧仗。尙賴而用也。駝馬牛羊。尙全而有也。假令蹠林祭纛。大舉報仇。田單一鼓而下齊。申胥七日而救楚。豈得云情

歸之氣沒世不復歟。然而太祖之攻之也。分兵二道。一出西安以搗定西。一出居庸以搗沙漠。則雲中雁門之勢斷矣。及其再興也。分兵三路。徐達出中路。李文忠出東路。馮勝出西路。則盧龍榆關之援又絕矣。而且築東勝之險。是南仲之城朔方也。設屯田之利。是充國之守金城也。宜乎左丞右帥。東底開平。鄧愈沐英。西臨弱水。雖貳師之入大宛。張騫之通屬國。其長駕遠馭。未有若斯之極也。厥後應昌之捷。賈的就俘。武平之戰。惠儲歸命。於是犁幕南而無庭。過陰山而慟哭。元氏舊墟。幾乎盡矣。至於設伏馬陵。揚水疏勒。則桑哥兒之跑地。案駝塞之冰城。似有神助。功亦爛焉。若夫燕雲割棄。四百餘年。石晉以來。復還版圖。豈景純定隄。南北更合。將衛霍樹績王者無外耶。

太祖平夏

聞之名山大川不封。諸侯王公設險。用守厥國。而周都維陽。則曰南望三塗。北望獄鄙。有德易以無。王德易以亡。蓋古者賢明之主。在德不在險也。夫中國之得地險者。宜無過巴蜀。棧道揭其北。瀘水阻其西。表岷峨之天。闕帶二江之雙流。勇夫重閉。幾乎斗絕矣。而自古及今。敗亡相繼。俘繫入臣。罕有全者。則蜀之地險固不足恃也。方夫元運垂終。羣雄並起。明玉珍以隨州布衣。結寨青山。爲徐壽輝之外臣。倪文俊之守將。及文俊見殺於友諒。而遂奄有三巴。盜竊名器。比之劉宗下鞏。而自王公孫躍馬而稱帝。功尤易易也。玉珍不以此時北趨子

午入叩關。隴南下夷陵。先窺漢沔。而但固守夔門。改元稱制。偏隅自割。坐待滅亡。此策之最下者。是則東之自守者。無過士誠。而西之自守者。無過玉珍也。方太祖之初。逐鹿中原。未遑外討。答書通聘。以待隄讎。厚禮卑辭。以驕李密。而使者乃以張裔之口舌。誇蠶叢之形勝。井蛙坐大。斯爲過矣。至於元都已沒。秦晉悉平。蜀道一隅。勢如黑子。乃始命鄒興、莫仁壽等。瞿塘阻水。鐵鎖橫關。丸泥墨守。不已晚乎。若夫太祖之伐蜀也。以湯和等舟師入峽。疾趨重慶。此正兵也。而傅友德一軍揚言發金牛。潛師取階文者。此奇兵也。夫鄧艾繼入陰平。則絛竹之師不摧。而潰吳漢襲至廣都。則城市之橋可燒。而斷宜乎。劉仁表詣軍門。明昇面縛銜璧。而彭氏以爲縱走。成都不過延命旦夕也。乃知桓温既入。李勢告亡。全斌濟師。孟昶不祀。此張載勒銘於劍閣。左思致誠於蜀都。玉壘銅梁。險無足據矣。從此冉駹效順。邛笮景從。蒟醬出於番禺。竹杖來於大夏。版圖之盛。固不必言。獨是功紀傳廖。文皆御製。楊環以無績而不敘。小校以非義而輟賞。勸懲斯在。又非特平蜀之規耳。若夫明昇者。封侯歸義。居第京師。要領克全。母子相保。雖劉禪樂魏。身不生還。而望帝歸魂。死猶啼血。嗚呼。方西川僭號時。其爲寄生久矣。

太祖平滇

梁王以故元宗室。裂土滇南。國亡君死。偷視蠻陲。此其勢非同天水之坐失隴西。子陽之稱尊白帝也。大義自

裁誓不反。顧則北地劉謨，猶能殉漢。烏孫公主，義不忘隋。瘞王禕於北寺，斬吳雲於沙塘，死從余闕。生媿公計，非得已。節斯烈矣。若以大命既去，新主有歸，天子北門已棄，中原於敝屣，孤臣天末，難填滄海以丸泥。則子嬰軼道，詎足亡秦。劉禪長安，無須思蜀。稱臣歸命，納土入朝。頡利家留灞上，突利老死并州。我其臣僕之悲，亦明哲保身之智也。而乃猶豫兩端，徘徊去就。旌旗舳艫蔽江西，上乃始開闔平章，斂兵曲靖。不知烏撒之師，分出永甯。曹定之兵，專攻曲靖。大軍直搗雲南，偏師還赴大理。堂陞有聚米之形，將帥成破竹之勢。釜中游魂，久已在太祖握中矣。倉皇聞敗，六宮出走。龍衣焚於寶殿，闔門驅死滇池。鼠輩乃爾，何因倔強如是耶。或亦魯連帝秦，願蹈東海。田橫入朝，道刳客舍之志。與而太祖之下雲南也，運籌萬里，料敵如神。山川險阨，俱似躬行。進退指揮，不爽尺寸。史稱漢祖止於百敗，不折敵長。唐宗不過身先諸將，方其雄略，瞠乎後矣。若夫曲靖之戰，沐英決策，冒霧疾驅。兵臨白石甯，我薄人毋人薄我。此先軫所以克也。張幟展角，潛出敵背。此陳餘所以擒也。臨江結陳，退不能止。此苻融所以死也。甲高熊耳之山，馬飲昆明之水。路踰萬里，時纔百日。耿弇功震祝阿，李靖風行突厥。潁川黔甯，何多讓焉。雖其後竊發，時聞不煩左顧。而軍若驚颿，彼同敗葉。遙傳仁貴，昨舌稱神。爭識令公望，塵羅拜沐氏父子。所以威行萬里也。夫武帝用事西南夷，夜郎叩笮，遂成荒服。唐復陷入吐番，宋乃割於西夏。元極兵威，始分桐葉。而黔甯永鎮三百年來，不獨貝金象齒來自殊方，抑且金馬碧鷄入參侍從。豈非

春風所及。鷹眼能慈。泮水之林。鶡音速化。猗與盛哉。

胡藍之獄

昔者太公賜履南至穆陵。鸞熊論封。奄有江漢。以故土田圭瓚。勒之景鐘。而彤弓盧矢。銘之太常用。以分王功。臣承保厥世。甚盛典也。乃高帝刑馬。綰豨伏鑕。閭誓國伍。胥屬鏤。遺介推於綿上。試文種於地下。弓藏鳥盡。良足悲矣。明太祖力戰中原。躬擐甲冑。櫛風沐雨。賴予王之爪牙。枕戈臥鼓。藉苴林之虓虎。洪武三年大告武成。論功行賞。公爵者十人。侯爵者二十八人。鐵券丹書。誓諸白水。河帶山礪。爰及苗裔。主非無勞之賜。臣亦非無功之奉也。獨奈何。惟庸複壁。藏兵藍玉家。奴衷甲。張敖不軌。逼漢祖於柏人。宣武稱兵。迫黃鬚於姑孰。遂乃爵除五等。禍及三宗。然而推其始。初胡以傾邪。升鼎耳。藍以寵利。居成功。不學無術。器小任重。宜其及也。乃論者以光武保全功臣。所封不過大縣。敬四所加。不過特進朝請。故君臣之恩。始終不替。鹿鳴天保。若魚水焉。然予考太祖之分封也。至尊貴者。無過韓國。食祿四千石。魏國。食祿五千石。未嘗裂土自王也。至任用者。出師則本於廟算。還軍則歸之禁旅。亦未嘗得專征伐也。凡此內安外攘。勢若犬牙。強翰弱枝。何難控禦。而乃以一人跋扈。遂疑尾大之圖。倉卒啟機。傳會難明之事。株連者四萬。失侯者二十周。內深文。亦云慘矣。夫淮陰陽夏。就令關通。彭越欒布。罪無相及。而況阜隸之後。漸乃式微。耐金之舉。以次削除。甯有朝登盟府。夕繫檻車。口血未

乾爰書遂擬。以致善長自縊。景濂道亡。蕭何三木而就徵。望之仰藥而自殺。豈尙功之典。不設於齊侯。而請功之條。不載於周禮耶。雖然。高帝晚年。甘露慶雲。屢書於冊。而醴泉之詐興。貶爵削封。播告於外。而伏甲之謀起。是則胡藍之變。抑亦鳳德之衰也。至若徐中山之忠志無疵。李岐陽之好學飭行。湯信公之聽命惟謹。沐西平之居貴不驕。並皆攀龍鱗而有功。履虎尾而不咥。嗚呼。與畢散之徒爭烈矣。

開國規模

太祖以淮西布衣。仗劍討亂。十五年之間。遂成帝業。開明堂。禮上帝。功云烈矣。然而身在行間。手不輟書。禮致儒臣。深思治道。慨自宋葉陵遲。生民無主。西京禮樂。失自周遷。晉代風流。亡於江左。繼之元人。失馭。濁亂乖離。自古禍亂浸淫。聖學放廢。未有若是之酷者也。非帝神靈崛起。智勇挺興。亦烏能克勘禍亂。率由舊章。撥亂反正。若斯之速者乎。觀其懲宦寺之失。而禁內官。預政懲女寵之禍。而戒母后臨朝。懲外戚之亂。而令不封后家。懲藩鎮之變。而制武臣。不預兵食。禍有亂階。防維略盡。至於著律令。定典禮。置百官。立宗廟。設軍衛。建學校。無不損益質文。斟酌美備。徧考百王之蹟。深明治亂之故。振墜緒於秦灰。永貽謀於周曆。夫沛公老死。行間漢治。盡仍秦弊。光武同符。高祖三公。僅參吏治。唐美貞觀。內多慚德。宋推藝祖。外寡經營。求其網羅前哲。範圍後王。概乎未之逮也。觀其官制典禮。律令寶訓。女誠臥碑。水鐸祖訓。大言炎炎。至文郁郁。義監二代。法備三千。共貫

同條金聲玉振。所以吳札初來。必觀周禮。武王下車。不改商齋。蓋集大成者。難爲毀。繼至善者。難爲功。龍門作史。不能成。謗帝之書。陸機悲吳。猶能著辨亡之論。以視秦中父老。誇美三章。宋室子孫。侈功杯酒。方斯盛軌。風云陋矣。而或者謂其誅戮韓彭。廣封宗室。猜疑豪傑。遷徙富民。直言瘐死獄中。詩過譎成。荒微賈誼。流涕於劍盤。絳侯摧心於牘背。所以七國之釁。實敗養癰。黃巾之禍。不無食報。河北降城。竟無男子。青城仗節。獨有侍郎。或亦作法之涼。遂有天道之還乎。蓋汴都城陷。盡殲諸王。元季羣雄。率起大盜。因而懲噎。不無吹蕩。帝性沈鷲。果於屠殺。微類漢高。遜美唐宋。或以此耳。雖然。隋文不永。謂以急亡。晉武短祚。又以寬敗。矯枉之不妨過正。或亦英俊之善識時務也。詩云。雖無老成人。尙有典型。觀其開國規模宏遠矣。

削奪諸藩

聞之周南。始化二公分。陝及其東。遷晉鄭焉。依以故衆。建諸侯。分王子弟。屏藩天室。拱衛京師。勢綦重也。高皇帝大寶既定。翦桐論封。燕王居北平。代王居代郡。甯王居大甯。碁布星羅。屹然玄社。揣其深謀。不特維城之鑿石。抑亦北門之鎖鑰耳。惟是并州警備。多蓄重兵。馬邑防秋。得專節制。鄭京城實危。莊公晉曲。以實弑孝侯。大都耦國禍之本也。又況秦晉四府。湘岷六藩。莫不帝制自爲。偃蹇坐大。藉神明之胄。挾肺腑之尊。楊水以激。而興周道以親親。而弱變所從來。非無故矣。況乎冲齡御極。主少國疑。強宗亂家。視同報讎。斯時賈生抱哭。卽

召吳楚之兵。主父設謀。便敗晉陽之甲。將使三家盡分公室。餘地悉入廩延。至所謂養虎貽患。蓄癰必潰者也。故論者以建文之失。在於削諸藩。而予則以諸藩者削亦反。不削亦反。論者又以建文之失。在於削強藩。而予則以不削強藩者。燕王最強。最先反。甯王次強。必次反。毋怪齊泰黃子澄輩。拊膺磨火。握手闔門。次第芟除。計安宗社。然而忠則竭矣。算亦稍絀焉。考其時。周王岷王都被掩捕。齊藩代藩並皆幽廢。甯邸護衛。見削湘王閩宮自焚。數月之內。大獄屢興。案驗未明。萬藟不庇。必有託蒼天以報仇。生皇家而勿願者。況又中涓入燕。逮繫官屬。幾於十王并戮。七國行誅。釁起兵端。非無口實矣。以予論之。方太祖小祥之時。正諸藩遣子之日。宜於大內置百孫院。因而留之。仍擇名臣傅之禮義。四小侯就學於漢。卽長安君入質於秦也。而又分命洪武舊勳。以撫綏爲名。開闢通州分屯河濟。倣亞夫之堅壁。立辛毗於軍門。仍賜溫綸躬行德化。梁王罪狀咸悉。燒除吳王不臣錫之几杖。則天潢諸嗣。逆節雖萌。反形猶戢。而稍俟諸子弟年各冠婚。卽以尺一之詔。分裂其地。國小則永無邪心。內割則未遑外事。天下亂絲可徐理而解也。獨奈何葉居昇之奏。被譴於高帝。而方孝孺之謀。不行於嗣主。比齊黃輩分道徵兵。直出無策。而石頭被詔激變。蘇峻江陵蒙討。逼反桓立。謀之不臧。誰執其咎哉。逮至蕪兵南下。建業合圍。而谷穗獻門。安楹首附。周齊列藩。以次復爵。同惡相保。理固然也。獨是蜀王之賢。無與興廢之謀。超然評論之外。雖河間之書集博士。而畢讀東平之樹。望咸陽而俱靡。何以加焉。

燕王起兵

天未厭兵。孝康番世。燕王在北。怏怏非少主臣也。然而高帝賓天。太孫卽位。令帝開誠布公。杜讒修睦。几杖之賜。頻及智囊之計。不行獄詞。燒毀曲庇。梁王朝士留章。封還錢俶。羈縻之道。亟行。柴章之謀。未決也。若謂事變。厝火計決。徙薪季友。進酒而叔牙亡。玄武喋血。而建成敗。當其堂皇不避。升陛不拜。則相如奏筑。血犯秦王。朱虛行酒。追斬呂氏。抑數武士力耳。齊黃獨不能乎。建文仁柔。類元帝舉事。則學景宣。齊黃迂謹。類王陵進謀。則效鼂錯。先主已去。操乃追擊。當陽劉裕辭歸。玄乃悔使京口。爲燕王者。將散甲歸兵。縛見天子乎。抑束手無策。闔門自焚也。遣張昺。遣謝貴。彼豈能擒燕王者哉。速之反而假以名也。燕旣起兵。非帝殺王。卽王殺帝。其傳檄天下。自比周公。上書帝闕。欲清君側。呼忱日月。指誓河山。藉令帝囚縛齊黃。歸致燕館。亦或開門延叔。握手迎師。王敦旣收伯仁。安能反。臣姑孰侯景。朝見太極。惟有幽帝東堂。史稱文帝伏犀日角。皇孫落月偏顛。天生兩人。聚於一宮。久無瓦全之理矣。而齊黃用兵。罪自難追。真定之戰。炳文所將三十萬。鄭灞村之戰。景隆所將五十萬。白溝河之戰。景隆合兵又三十萬。滹沱河之戰。盛庸所將猶二十萬。合天下之兵。握一人之手。不知燕王單旅孤城。利於戰。不利於守。利於合。不利於分。嚮令山東北平。堅城深溝。繕甲儲粟。驍將數十輩。各將數萬家。分據險阻。出歿敵間。進破滎陽。彭越燒其糧道。南追漢王。韓信收其河北。燕王雖百戰百勝。久且左支右訕。甯

能縱馬飲濟水之西。加矢及聊城之上乎。奈何挾萬全之勢。搏匹夫之勇。驚飆掃葉。疾電奔雷。執九江於明堂。哭包胥於海外。嗚呼晚已。獨是建文之初。昇平繼體。海宇晏清。而燕王橫貪天位。覲顏人上。子突入而昭公出。奔曲沃。盛而孝侯遇弑。毋亦弱肉強食。謂爲天與人歸。宜乎練子甯。嚙血地上。書成王安在。而方孝孺。衰絰大罵。以爲不立成王之子弟也。當其大內灰飛。緇衣宵遁。爲燕王者。急宜降德音。下明詔。咸與維新。計安反側。而乃縣賞討奸。清宮戮御。斬祛之怨。旁及五宗。射鉤之嫌。蔓延婦寺。國君含詬。固如是乎。至若司馬之心。久暴於路人。齊鸞之謀。早形於詔議。乃猶南向讓三。連章勸進者。欺天乎。吾誰欺也。幸而卽位之後。山東首給農器。雲南不輕用兵。省視旱蝗。周諏郡縣。敕吏部以拔幽隱。顧學士以求直言。而且耀武邊郵。尊崇先聖。政事之美。頗班班可考焉。然以予論之。梁皇弑主。肺石達冤。衛武寡兄。賓筵好學。蓋曲終奏雅。逆取順守。亦晚蓋之常規。非哲王之天性也。

建文遜國

聞之國君死社稷。義之正也。然而乘機察變。忍恥圖存。一旅而中興。奏五年而天節反。則惠王居櫟。仍殺子頽。襄王居鄭。終誅太叔。建文之倉皇出奔。或亦有深意焉。又況鐵函鎖篋。度牒剃刀。先皇所遺也。龍蓀帝后。妖讖亡周。燕啄皇孫。天心割漢。厥有定數。又非智力所移耳。乃遜國之期。以壬午六月十三日。建文獨從地道。餘臣

悉出水關痛哭仆地者五十餘人。自矢從亡者二十二人。而廖平之議以爲多人必生得失。不若遙爲應援。於是謹侍左右者三人。楊應能、葉希賢、稱比丘。程濟稱道人是也。往來道路給辦資糧者六人。馮灌、郭節、宋和、趙天、秦王之臣牛景先各諱名號。潛相通問是也。其經由之地。則自神樂觀啟行。由松陵而入滇南。西游重慶。東到天台。轉入祥符。僑居西粵。中間結菴於白龍。題詩於羅永。兩入荆楚之鄉。三幸史彬之第。蹤跡去來。何厯厯也。特以年逼桑榆。願還骸骨。岑瑛據之以聞。吳亮辨其非妄。夫不復國而歸國。不作君而作師。雖以考終。亦云愿矣。然以予論之。假令成皇方死沙場。昭帝新居諒闇。此時兵力黷於邊關。內難伏於高煦。國勢危疑。人情牽制。必不能長駕遠馭。經營萬里之外者。而滇黔地險。沐氏兵強。因茲遁迹之時。宜申控告之義。非流彘而藉其和。則東遷而依晉鄭。一軍出荆門。卽襄鄧可搖。一軍出漢南。卽長江可據。狐先河水之功。馮鄧雲臺之業。後輓前推。匪異人任也。奈何枕席有涕泣之痕。行旅多橐餽之奉。而興復大計闕焉。不講譬猶危葉長飆。驚禽易落。正所謂亡國之大夫。不足與言事者也。洎乎正統改元。帝易四朝。統踰五紀。內鮮惠懷之亂。外無連管之謀。嗣服相承。天定之矣。而況主君已老。從者凋零。方險阻備嘗之時。正精志消亡之日。魯展喜之已衰。晉銅鞮而旣死。噫。嗚呼。待盡尙安望其復振乎。至若從亡諸臣。國爾忘家。捍王於艱。四十餘年。櫛風沐雨。卽無包胥之義。復楚王於郢中。亦有子家之忠。哭昭公於野井。推此志也。雖與日月爭光可也。而議者據成祖之實錄。謂建文之自

焚疑一龍之未出。擯衆蛇而不載。夫隱巢之事。不直序於貞觀。燭斧之疑。亦依違於興國。時史所書。非無由筆矣。而況胡濙訪仙。思恩擢職。以及陵在西山。不封不樹。有目者所共睹。又豈得以傳聞異辭也。

壬午殉難

聞之川澤。納汗。瑾瑜匿瑕。王者之大度也。以故什方。舊怨。漢帝首封。射鉤小嫌。齊侯不問。况吠堯者。主未必。而冒我者。節重於許乎。若乃文皇帝之正位金陵。宜發哀痛之言。爲謝過之舉。其能從我游者。固且厚。精以范陽。尊官以禮。魏徵矣。若或天命雖改。執志彌堅。亦復放還山林。聽其自適。逢萌之掛冠。東都伯況之杜門。廣武狂奴。故態何相迫乎。而文皇甫入清宮。卽加羅織。始而募懸賞格。繼且窮治黨與。一士秉貞。則祖免並及。一人厲榮。則累落爲墟。雖溫舒之同時。五族張儉之禍。及萬家。不足比也。乃若受戮之最慘者。方孝孺之黨。坐死者八百七十人。鄒瑾之案。誅戮者四百四十人。練子甯之獄。棄市者一百五十人。陳迪之黨。杖戍者一百八十人。司中之繫。姻婭從死者八十餘人。胡閩之獄。全家抄提者二百十七人。董鏞之逮。姻族死戍者一百三十人。以及卓敬黃觀齊泰黃子澄魏冕王度盧元質之徒。多者三族。少者一族也。又若赴義之最烈者。鐵鉞之屍。還反背。景清之死。猶犯駕。就義之最潔者。教授之明倫。慟哭樵夫之自投東湖。若此之儒。則又未易更僕數也。嗟乎。暴秦之法。罪止三族。強漢之律。不過五宗。故步闖之門。皆盡機雲之種。無遺世。謂天道好還。而人命至重。遂

可滅絕至此乎。又況孔融覆巢之女。郭淮從坐之妻。古者但有刑誅。從無玷染。而或分隸教坊。給配象奴。潘氏承恩於織室。才人下降於廝養。此忠臣義士。尤所爲植髮衝冠。椎胸而雪涕者也。抑予聞之。蕩陰之戰。血惟嵇紹。靖康之禍。死僅侍郎。而建文諸臣。三千同周武之心。五百盡田橫之客。蹈死如歸。奮臂不顧者。蓋亦有所致此也。方高皇英武在上。其養育者。率多直節。不事委蛇。而文皇刑威劫人。其搜捕者。易於抵觸。難於感化。雖人心之不附。亦相激而使然也。至於宋朝忠厚。不殺大僚。孫皓凶殘。恆加燒鑊。臣以禮使。士不可辱。嗚呼。成祖之作法涼矣。

明史論卷二

提督浙江學政僉事豐潤谷應泰論正

開設貴州

秦皇開邊。桂林象郡。旋沒尉氏。武帝窮兵。越雋牂牁。僅附臣屬。或聚干戈。或通璧幣。用力若此。獲効若彼。蓋拓疆域。通文交。易稱革面。書載頑民。帝王若斯之難也。貴州西接滇蜀。東連荆粵。地齒神州。久淪荒服。特以其地皆毒霧瘴山。蠻峒夷寨。無宛馬。叩竹。動中國愛慕。而其長君世樂。奉藩保不失禮。貽憂邊吏。黔遂無日。通上國矣。洪武初。湯信國使之民。蠻雜耕。兵夷互習。豈非天啟荒徼。漸染華風。朝鮮將開。乃來箕子。句吳當治。始有姬雍者。與乃宋欽妻之。乘間奔朝。安奢香之聞。呼赴闕。兩女子觀變。決機勇於丈夫。甚至入見高皇后。使高帝竟斬馬都督蒲伏掖門。瞻仰天日。指陳險阨。立誓河山。開赤水之道。通龍場之驛。智溢唐蒙。功高博望。彼地有此異人。山川豈能再阻。蠻方耶。永樂中。二田復自相攻。殺金鷄。命使特遣解紛。翠華臨軒。親承戒諭。猶復怙終不遷。攻殺如故。夫亦夜郎恃遠。于闐負險。抑或天誘其衷。折入中國。閩人侵逼。南粵歸漢。延陀攻殺。勅勒入唐。廢興有數。革置有時。乎而顧成。以校士數人。入執二田。繫頸檻車。寂無知者。比之介子樓蘭。斷頭酒後。班超鄯善。捕使中宵。天子神靈。兵威不測。斯爲至矣。此豈一時掩襲。虎穴得子。實乃二祖英武。先聲奪人也。二田授首處。

分郡縣爲布政司者一。爲府者六。爲州者四。爲安撫司者一。爲衛者十五。而黔中一省儼然進明堂。分符瑞。受冠帶。祠春秋。厠肩內地。附麗皇輿矣。國家無斗粟介士之勞。邊臣無亡矢遺鏃之失。自古開疆廓宇。又未有若斯之易者也。然則天馬蒲桃。志寶物者不知略地。樓船橫海。志略地者不知化俗。詩曰。日闕國百里。伊惟二祖有焉。

安南叛服

交趾自漢入爲郡縣。此與番禺桂林同歸中國。非屬夷附庸。僅稱職貢比也。洪武陳氏奉國稱臣。率先入貢。太祖許爲外藩。不利土地。及永樂中。黎氏弑主盜國。稱帝改元。非徒得罪本國。意實抗衡天朝。俘馘其衆。不得云暴。編伍其地。不得云貪也。旣分郡縣。編置官僚。垂三十年。儼然宇下一旦匹夫犯順。遽爾割土加王。嗟乎。是賞叛也是獎奸也。若曰存亡繼絕。則陳乃孤也。以義當立。黎乃賊也。以法當誅。若曰勤民略遠。則將立黎利乃定之矣。若猶未也。不如勿伐。王通力屈。而請和。柳升再入。而敗沒。然後下詔遣使。修好撤藩。城下之盟。恥同新城。割地之議。辱比敬塘矣。夫文帝不加兵南越。光武罷西域都護。所謂量力度德。懼啟兵端。未有徒敗車奔。師移將隕。形見勢絀。忍詭匿羞。韓王按劍牛後。魯連誓死帝秦。而乃君臣相賀。自鳴聖德。至於旌節符紱。狼籍裔土。將吏公卿。流離草莽。戰士污魂。哭闕中夜。孤臣噴血。碧化千年。計其班師之日。文武吏士攜家而歸者。八萬六

千六百四十人爲黎賊遮留不遣者尙數萬人死者君其問諸水濱生者不望生入玉門貽笑蠻方損威國
誰秉國成至此極乎漢火方昌呼韓稽顙元成不競乃棄珠崖唐美貞觀組加突厥文昭板蕩始棄維州宣宗
四海又安九州鼎盛王通敗因紉袴柳升失存輕浮乃拾捐之爲美譚比祖宗於穆滿夫曹公東下子布請迎
濱淵戒嚴堯臣勸避自古儒生在安憚勞撫經誤國二楊太平宰輔黼黻承明恆若有餘決機危疑必形不足
不然迎新主於金川阿燄燄於末路豈有立身朝堂進退狼狽而顧預謀闖外貽謀遠大者哉夷考其後名爲
陳後實爲黎竊嘉靖中黎氏中葉莫登庸復睥睨之黎又簡匄告哀朝臣又主二楊之說而世宗赫怒竟伸天
討兵未出於國門莫已父子自縛泥首軍門削其主號世守吏職不聞倔強自大勞敝中國也所可異者太祖
使沐英取雲南卽留英世鎮海中成祖使張輔取交趾不以輔留鎮彼國二十年後并召還黃福禍發於中官
亂成於庸帥勃貂多魚特倣漏師短轅牯犢必敗乃公三百年來終淪王化夫亦廟算有遺策而春秋多責備
也。

平山東盜

自古盜賊之起也莫不好爲妖瞽惑亂陳勝以篝狐張角以斗米而號則天公地公霧則三里五里何其怪也
予以爲男誠有之女亦宜然史稱瑯琊呂母聚黨數千人殺海曲宰入海中爲盜而同時平原女子遲昭平亦

聚數千人屯河阻兵。以是知婦女之輕剽好作亂。大抵不少概見也。成祖時有蒲臺唐賽兒者。自號佛母。能刻楮爲人馬相戰鬪。衆益信之。於是莒卽墨諸奸民遂蠡起。而賊黨董彥泉寶鴻等亦掠兵應之。幸所據不過數州。轉戰不過旬月。衛青王貴兩軍急擊。旗靡轍亂。魚爛而亡矣。然則賽兒妖術果安在耶。豈王凝之鬼兵相助。而大道竟不可信耶。抑費長房役使鬼物而遂爲羣鬼所殺耶。是皆不可知。而獨是柳升以通侯之尊。受鉞出師。驛驢供億。逍遙河上。乃更切責衛青忌嫉有功。假令大敵在前。將校不和。王師可一戰而潰也。雖然。成祖之用兵也。南定金陵。北征沙漠。地拓三獠。威行萬里。而賽兒以一愚婦人躑躅其間。乃欲結娘子之軍。乘夫人之城。譬之薄石擊柱。多見其不知量矣。然而予以賽兒之亂。則黷武之所致也。秦風尙首功。而小戎亦諫車戰。河北盛藩鎮。而女子亦通劍器。牝雞之晨。或亦怒蛙之式乎。至於賽兒遁去。而燕齊諸尼并天下。奉佛婦女逮者幾萬人。猶之石閔戮羯部多髯高鼻者。并誅克紹新宦官。面不生鬚者亦殺。玉石俱焚。勢固然也。尤可異者。賽兒蹤跡杳不可聞。豈軍中將燕羣號沖飛河上孫恩相傳水化妖耶。人耶。吾弗知之矣。

河漕轉運

堯都冀方九州通貢。水陸分道。舟車遞興。然皆方物筐篚。非秭秠粟米。負重致遠也。秦人輸粟入邊。十鍾而一石。蓋難之矣。漢興海陵之粟。號甲天下。而分封列侯。天子仰食。不過中原三輔。唐郡縣天下。關中運糧龍門。

險峻舟楫罕入。歲值霖潦車牛不給。天子至率百官就食東京。奉天告圍。蔓菁採食。韓滉粟至。脫巾謹呼。米都汴京。運道四達。路置兌倉。號爲轉運。此劉晏遺規。非豐熙創法也。元建都北平。張萬戶以鹽盜出沒。習知海上險易。獻書海運。成山直沽。無異安瀾。明初海運猶致百萬文皇。遷鼎屢勤宵旰。海漕並進。水陸互輸。澶制漸增。海運遂罷。安危之勢易明。內外之形易判也。夫蜀道千年蠶叢。不致臨海咫尺。臺宕猶遺。自燕迄吳。經四千里。踰江涉淮。天限之已。然而平江築隄。考自張吳。丹徒王氣。鑿由孫氏。黃池夫差之故跡。邗溝隋帝之遺規。假句吳之霸烈。爲聖主之驅除。籍荒王之游幸。啟千年之利涉。至於度淮而北。昭陽獨山。滕薛瀕湖。洗沂汶泗。魯郊多水。齊擅清濟。燕誇濁漳。直沽至海。潞水踰燕。古今人力。輸重裁通。遠近地形。蓄潴本盛。蓋東南舟楫利。盡人功。西北高平。險因天設。莫不支延。蔓引自成。萬里之形。璧合珠聯。已見百川之赴。因而按圖求轍。度地施工。所以因山壘石。計日成城。依井求泉。終朝獲汲者也。稽其道里之略。京口設閘。而浙舟入江。謂之浙漕。高郵築隄。而江舟入淮。謂之江漕。入淮以後。謂之出黃。初鑿呂梁洪。舟河行者五百十餘里。繼開董家口。避河險者二百七十餘里。河行至此。謂之入口。南陽夏村。皆引諸湖。既達濟甯。而湖漕入濟。謂之湖漕。而進。此皆會通河矣。由天井關至臨清。三百八十餘里。而濟漕入衛。謂之出口。而會通河盡矣。衛水順流。直抵天津。謂之衛河。衛漕入潞。潞水之流。謂之白河。白漕既入。徑抵通州矣。若夫江淮以南。陳瑄功著。齊魯以北。宋禮功多。潘季馴之鑿開。

董口。朱衡之廬居夏村。而天井一闢。南北之脊地如建瓴。從老人白瑛之請。出七十二泉之水。南流達徐。北流達衛。觀其神功。此亦秦皇驅石。鞭跡猶存。大禹鑿山。掌形宛在。漕河之底。績古今之明德也。與。

治水江南

天下之賦。半在江南。而天下之水。半歸吳會。蓋江南之田。資水灌沃。特號塗泥。又易霑足。偃鼠飲河。酌多孔取。非如雍州土厚水深。冀州神臯天黨也。考浙西及蘇松諸郡。以杭湖宣歙萬山之水。奔騰涌溢。盡入太湖。太湖蓄滯之餘。溢於三江。東流入海。所謂三江既入。震澤底定是也。然而三江無可入之道。則震澤無可定之波也。明矣。而乃吳淞婁江。率皆淤塞。黃浦白茆。僅見虛名。江海之門。洩瀉既少。震澤汪洋。承流遂緩矣。如以山水多沙。夏秋暴漲。乘勢飄流。勢緩波平。沙因類聚。瀕湖諸泖。相繼湮蕪矣。夫懸師井陘。僅容單騎。則良將爲之躊躇。入告君門。路隔九關。則忠臣爲之泣血。況於滔天巨浸。洩於一綫之流。倒峽傾江。阻於一杯之土。其魚之歎。能不爲之寒心哉。而或者謂溪不入湖。皆由吳江長橋之築。水清沙滯。勢至壅閼。賴江流剽疾。聚族兼行。今橋梁既立。水勢紆迴。清浮則去。重濁則沉。此猶賈讓治河。必欲盡徙民居。放河北流。以入渤海。而宣房築渠。更播德棣。分爲八何。以息民患。誠云上策。其事蓋難言之。大抵嘉湖地據上流。故溪不入湖。則嘉湖代受震澤之水。蘇松勢處下流。故湖不入江。蘇松且代受三江之水。夏原吉躬履勘驗。始稱太湖汎溢。宜浚吳淞。然蘇之吳淞沙

泥淤塞。旋疏旋積。松之吳淞。菱葦叢生。漸成陸地。請於嘉定開劉家港。常熟開白茆港。而蘇水入海。於松江更開范家濱。以達大黃浦。而松水亦入海。廣濬分支。共受三江之水。卽所謂三江既入。多爲尾閘。以殺震澤之怒。卽所謂震澤底定。禹貢所書。明易簡盡。原吉所治。委曲詳至。江南水勢大略可睹矣。至宣德七年。況鍾復請修舉夏緒。起民昏墊。夫鍾之去夏。僅三十年。苟陂煩艾。渭渠需莊。而況金城柳大。滄海田成。世紀奄逝。陵谷摧移。又有呂光詢治水三利。海瑞濬築奏功。苟非泥橧山樓。視同拯溺。何以稱焉。

太子監國

古之教太子者。慎選師傅。訓之德義。過龍樓而問寢。入虎闈而齒青。蓋若是其謹也。及乎六師撻伐。有事行間。則從曰撫軍。行曰監國。非特重器所寄。亦以周知艱大。練察治忽。爲嗣王之要務耳。方仁宗之未正青宮也。睿質仁明。天姿愷惻。然而如意類上。申生無寵。非黃淮進賈詡之謀。解縉效鄴侯之議。則烏鳥向背。羽翼無成。金珠偏斃。憂方大矣。幸而皇祖親冊嫡長。分定乘危履險。克正重輪。重耳之艱阻。備嘗。楚王之朝嬰。夕側。非特生於深宮之中。長於阿保之手者。也。又若儲君昭鑒。傳自高皇。聖學心法。頒於成祖。比之始皇之教以法律。元帝之授以韓非。貽謀度越。抑何偉歟。而況金忠蹇夏。輔導於前。黃淮楊士奇。糾繩於後。則商山茹芝之佐也。學識特重。眞氏文章。獨許歐公。則家丞秋實之采也。賑潁川之饑。而先發後聞。恤鄒縣之荒。而賜鈔輟食。則幽風農

事之規也。又考成祖巡幸順天親征漠北駕凡五出年垂二紀中間大官大邑雖復啟聞而庶政庶獄咸就諮決名爲儲位實則長君名爲監國實則御宇故人以仁宗之歷祚短而予以仁宗之沛澤長也若夫宮闈煽禍國本瀕傾管蔡流言備極譏構一時並集何以爲懷又且迎駕緩期而逮捕官屬則高煦贊之僞撰遺詔而陰行廢立則高燧主之蓋以突陣者自命黃須樹功者侈談天策而又加之敬禮之密推曹植輔國之交闕兩宮夫是以勢同孤孽危如累卵救過而不暇也自非胡濙密書七事王瑜上變一言則豫教之淑質壅於上聞含沙之侈口交亂四國非蒙辰圖之誅必賜扶蘇之詔而仁宗一載之郅理又烏能睹其盛耶嗟乎安慶復而後哀鄉侯孟賢敗而後榆川崩天祚人國以有此也

高煦之叛

釋趙王高燧附

高煦爲文皇第二子強力善騎射燕藩兵起摧鋒陷敵從征有功而仁宗之在青宮也性仁柔體肥足軟高煦輕之以爲可取而代也於是潛謀奪長飛語傾危私造兵器陰養死士中傷東宮官屬自比天策上將而駙馬王甯淇國公巨福亦復宮府交通陰圖翼戴自非居守功高嫡長分定又且張妃執爨陰教克修則成師名子如意類吾文皇之意亦未保其克終也然而煦者不過桀鷲不臣非有深圖遠算特以成祖喜其猛鷲昭帝曲加友愛於時父兄見驕恃愛肆始封雲南則恚怒不去封青州則託故不行支解無罪僭用乘輿逆節所萌有

自來矣。然而煦之謀非有湘東刻檀之狡也。煦之才非有曹植自試之敏也。地不過樂安。煦非有吳楚七國之強也。人不過王斌朱烜。煦非有貫高伍被之佐也。乃以宣宗初御。輕其年少。陳兵踞坐。聲罪朝廷。所幸神機內斷。親督六師。煦不先爭濟南。轉躡河北。而困守孤城。束身就縛。豈非外多誇詐。內實怯懦。宣宗料敵真神算也。至若陳山迎駕。請襲趙藩。楊榮希旨。贊決大計。賴士奇一言。克保親親。獻還護衛耳。昔袁盎勸卹淮南。田叔燒梁獄辭。卽令罪狀果明。猶當曲全恩紀。而況齊王後悔。背約城守。馬攸德望。舉朝共知。又安可借金吾片紙。使有殺叔父名乎。其後逍遙城中。煦嬰鎖繫檻。猿未嘗不牢。縛虎未嘗不急。而忽伸一足。勾上階地。以致銅釘燃炭。身首爲灰。彼豈真有闡戕戴吳。筑擊秦庭之智哉。要不過桀鷙不臣。適以殺其軀耳。雖然。高煦之後。實鑿宸濠。反者躍起。豈前車之鑒不足。懼以天誅。抑靖難之風。若或貽以家法。蓋觀於漢庶人之變。而歎螟蠃之類我也。

仁宣致治

明有仁宣。猶周有成康。漢有文景。庶幾三代之風焉。然高成肇造。享國長久。六七十年之間。倉廩贍足。生齒繁殖。而兵革數起。脫劍未能後之哲王。但當愉愉煦煦。撫摩瘡痍。斷雕爲樸。廢觚爲圓。是所尙矣。語有之。承明之主。與戡亂異。假令永樂以前。施仁宣之政。則行軍而用鄉飲。洪熙之後。用高成之治。則無疾而食烏喙也。故余

以仁宣之朝專務德化。雖曰度量。蓋亦有時勢焉。乃仁宗之初御也。停罷采寶。平灰寃濫。賈賦各隨物產。陂池與民同利。施經帶於當朝。錄外吏於西省。凡此皆善政也。而弋謙直言坐徙。馬騏矯旨不誅。李時勉廷諍被擊。則有仁宗止鞏內則瑱規。讓善卽喜。翹君卽怒。耶此則仁宗之失也。方宣宗之卽位也。法祖重農。賑荒懲貪。文史在御。武備則車駕行邊。又且却鸞虞之祥。禁白鳥之瑞。幽圖織婦。訓誥同風。詔隱猗蘭。四詩媲美。凡此皆善政也。而棄交趾於荒外。廢胡后於長門。擊陳祚於狂狴。毋亦稽中之德。大醜小疵。克終之規。百里九十。耶此時宣宗之失也。雖然。創業固難。守成匪易。仁宣之治。非高成不開。而高成之政。非仁宣不粹也。嘗攷仁宗一祀不承。而繼以宣之濟美。則久道化成。宣宗十載未多。而溯於仁之監國。則重熙累洽。故原其初造。則仁危於宣。席其易安。則宣光於仁。劉緒繼於元嘉。宋治盛於慶曆。王道無旦夕之效。禮樂必百年而興。嗚呼。此其時哉。然而三楊作相。夏竦同朝。所稱舟楫之才。股肱之用者。止士奇。雖封五疏。屢有獻替耳。其他則都兪之風。過於吁咈。將順之美。踰於匡救矣。假使齊桓樂善。管子勉之。至王孝公。奮烈商鞅。進之於帝。則仁宣之間。化理。鄧隆。又能進賢。退不肖。而數世之後。固可蒙業而安也。奈何章帝賓天。太后震怒。論誅王振。大臣緘口。坐令勃鞞之禍。伏於多魚。石顯之專。萌於病己。而仁宣之業。則幾乎熄。朝廷尙爲有人哉。

宣皇新主幼沖。王振以青宮舊事。儼然自負。願命其時。三楊猶在位也。太后賢明。有漢馬氏。宋高后。當其責。振援庭呼刃。加頸三楊。能叩首力爭。逮竄裔土。勢如摧枯。非直瑾城狐。外唇口舌比也。乃競庇鄉曲。爭辨朝堂。振陽持平允之名。陰得中宮之喜。然後知三楊之瑕。振固已窺之早矣。匡衡入相。不制宏恭。胡廣三公。難除甫節。心肅祿位。志怵禍機。前有讒而不見。後有賊而不知。而小人遂得乘其隙也。太后升遐。東楊謝世。二楊衰老。後進孤危。以諸賢垂暮之氣。當奸人新發之鋒。李時勉祭酒也。頭囊三木。劉中敷上卿也。荷械九門。石璟帝婿也。待繫請室。薛瑄廷尉也。論斬禁獄。而侍中劉球。竟為振黨。竊殺蒲理。犴狴歸葬。血裾悲夫。侍中戰死。僅返汚衣。呂祉魂歸。惟持括帛。雖范滂不祭。臯陶絳侯見溺。死灰未有若斯之慘者也。英宗初立。年僅九齡。至張后崩時。年已十六。質果英敏。亦當知中官之詐矣。何至呼為先生。使振周公自待。大宴不預。懼振慚憤。乃開東華中門。令振出入。以悅之。此何異哀寵董賢。願讓天下。僖呼阿父。遂作門生者與。夫宵人構禍。自古多有。然或麗龍乘垂盜竊龍靈。以故武變龍媽。旋為賜死。文信新垣。亦隨誅滅。小人敗露。固有時也。亦或受制家奴。危同履虎。晉簡文風神憔悴。唐文宗涕下沾袍。猶曰勢已去矣。云如之何。未有奸形屢敗。酷政亟聞。外戚入暴。其非親藩。共聞其狀。振又勢若孤雛。根非磐據。而白金綺幣。頒賜寵褒。擅殺削威。槩置不問。土木之變。六軍敗績。九廟震驚。青城覆轍。躬自蹈焉。馬鬼播越。應思林甫之奸。回紇稱戈。當悟元載之罪。而復辟以來。當懷聖慮。九

原可作發歎拊髀三徑猶存空悲廬宅招魂榆塞雕木浮屠爲振復讎貽譏後世何其謬哉考直瑾忠賢皆蒙主眷而沒後追思惟振一人天祐人國假手也先樊忠殺振而後戰沒功何偉也嚮令英宗不陷賊凶噤不授首天假之年而滋其毒明社之屋甯竣今矣

麓川之役

麓川地接平緬雖彈丸黑子然固皇輿以內地也洪武初思氏失官刁氏逐思據有平緬至正通時刁又衰弱思氏復振賓主走死思任坐大且爭衡上國矣蠻夷自相攻殺趙奢所謂兩鼠鬪穴天子不必問也天使亟行請護數四而尉陀箕踞初無降意子陽不省乃更治兵佩強如是而討逆之旗不見於金齒問罪之旅不戰於昆池尙謂國有人乎且宣帝卽位已棄交趾新君踐祚又廢麓川雲貴二廣土夷環疆動以百計溪蠻苗峒列處內地耕牧成羣麓川不逞既有徵矣異類襲是跡而動誅戮子弟憂患長老甚者屠掠郡國并吞諸部再復數年蒞醬不見於番禺邛杖不來於大夏使斷牂牁之北地盡越雋之東矣爾時而欲用兵敗固不測勝亦大創且高帝定雲南思氏竊發沐英以三萬騎破其三十萬衆思然後俯首歸命旣而刁氏又叛沐春疾驅力戰擒斬諸刁納其故主其論傳友德曰雲南雖平尙煩區置靈翠諸地不盡服從雖有雲南亦難守也蓋小蠻大威柔遠之良規一勞永逸王師之勝算故殷興夏緒必克鬼方獨出中原先渡瀘水控遠與綏邇不同功討邇

與貪功不同道也。西楊主議舜德格苗，劉球上書不稱荒服，或亦朝多濁亂，內憂羣小，北敵陸梁，外憂才大，天子不願楚敗，山濤方懼吳亡，大臣之用心固如是耶？若乃長駕遠馭，則亦公孫宏之寵朔方，淮南安之諫閩者也。蔣貴王驥初下麓川，三路分進，斬首三千，思任竄緬，僅以身遁，再攻平緬，五營並進，焚其援舟，思任父子又竄孟養，然而緬人內懼，傳首京師，勒石金沙，誓臣石爛，此亦勳著燕然，功高銅柱，豈僅唐蒙夜郎相如印笮者乎？然史稱其起兵十五萬，轉餉半天下，冒躡五等，橫被冕玉，嗟乎陳湯貪，贖曹翰凶，殘武臣之故，慙而屯守之說不行，飛輓之繁不給，此則其智遜金城而功比貳師者也。

平浙閩盜

浙江入閩道險而狹，迤邐千里，山勢陡峻，灌木蒼翳，糾紛盤互，不逞之徒，往往跳穴其間，內可以聚糗糧，下可以伏弓弩，急可以遠遁，走緩可以縱剽，掠以故閩浙多寇盜，好作亂，長吏不敢問，將兵者難撲滅，地險然也。又況括蒼諸坑，頗產貢金，椎埋嗜利者，因錄爲奸趨之如鶩，聚衆益多，以故慶元葉宗留以千餘人攻政和，此亂之始也。然其由浦城劫建陽，則自浙犯閩，攻上饒，破永豐，則自浙犯江，而葉希八又焚浦城，屯雲和麗水，則自閩還犯浙矣。其時閩地鄧茂七反，甯化蔣福成反，尤溪莫不據地稱王，摧鋒陷敵，擁衆萬餘，轉戰數郡，比之於浙，爲尤劇焉。昔武帝之時，東甌閩越治兵相攻，遼闊阻深，尙煩漢救，而使其合兵連橫，侵暴吏民，咸陽雖遠，可

付之度外。耶於是中丞張楷銜命督師。劉聚陳榮分兵進討。既而榮既敗。沒賊又滋蔓。宗留雖死。明松復來。希八未亡。鑑胡更作。何異淮夷煽亂。徐戎並興。甲午祠兵。魯師欲潰。乃始一侯二伯。授鉞南征。六將南璫。協謀東伐。猶之赤眉敗禹。更命馮異。盧循摧毅。遣仗宋公。雖望桑榆之收。亦若黃池之酷矣。所幸者閩寇自閩。浙寇自浙。地雖旁掠。勢不交通。取虢此成擒耳。假令浙寇北易。婺州東收。廣信閩寇。南驅光澤。西薄建昌。聯師有犄角之形。事成有中分之約。則入閩既困。江浙亦搖。而更待朱瑛橫格。鉛山中官分守要地。不已晚乎。雖其後福成茂七。先後並殲。希八鑑胡同歸。歎附東陵渠帥。次第盡矣。而獨參政宋彰者。輸賂王振。責賞閩閩。民苦誅求。盜所自起。五年之間。村落爲墟。赤羽徵兵。青芻轉餉。土木之妖。先萌內地。奸閹柄政。禍如是乎。至於陶得二屢叛而貸死。張楷捷奏而下獄。蓋二以楷庇獲全。楷以振黨受過。刑賞失中。亦云忒矣。若夫孫原貞條奏。浙增雲宣三邑。閩置永壽二縣。犬牙相錯。馭險之規也。但磴道素多槎枒。羣盜易於伏莽。黃門薙髮。豈乃不生馬援伐樹寇。遂永絕原貞之策。乃更不及此耶。

土木之變

古者天子有道。守在四夷。及其季也。保境固圉。無生戎心。是故馬邑之誘。加罪王恢。鄧支之誅。靳封延壽。蓋以勤兵遠略。輕開邊釁。非細故也。況乃撐犁之帳。甫逼關門。而黃屋之尊。自爲鎖鑰。晉明帝深窺姑孰。趙武靈突

入咸陽誰實謀國而乃身死不測之淵輕入虎狼之穴哉若夫英宗踐祚王振擅權也先桀黠狡焉其時如羅亨信之議備土城石亨之撥軍屯種則先事之防也王直之伏闕懇留鄜莖之堅請回鑾王佐之草間跪伏則臨事之救也而王振威福自擅從來日久銳意親征有進無退豈真楚國聯師滅此朝食驃姚報漢無以家爲者乎乃從來嘖笑竊弄者必須假禦侮以固主恩而勢焰炙手者易於倖邊功以邀富貴此振之所以據鞍顧盼走死地如驚耳至於千金之子坐不垂堂十室之邑可以免難而英宗是時勸駕之言易入斷鞅之議不行者毋亦文皇自征瓦剌狃於易與而宣宗自將待邊又所親見者耶以故追戎濟上專自魯公北伐令支羣推小白然而天時人事則有異焉方其天變見於上地變見於下南宮荆棘北殿塵灰比於梅福之金鐵皆飛宗周之三川告亡此何景也至龍臺而一軍皆亂出居庸而連宵風雨薄大同而僵屍滿路比於苻堅之犬俾宮門管子之髀鼓皆濁此何兆也逮夫并源敗衄踵至朱冕全軍覆沒而振始還屯左次定議班師嗚呼晚矣蕩陰之血酷於染衣平陽之辱幾於執蓋徒使師武臣封尸俱死諸大夫拔舍無從楚三戶之衆見懷王以何期銳司徒之妻歎吾君之不免幸而共和行政叔武入守適來那顏之怒不用乃公之謀則貨匪居秦璧還入趙矣不然前皇太后遣齋重寶錢皇后盡括宮中幣與地同盡人與幣俱往徽欽之禍復見於茲雪窖冰天魂終漠北矣然余嘗論之寇準饒學術可以戰而真宗受盟王振少方略不可以戰而英宗驟舉是則澶淵之

會以重發而喪功。土木之變。又以輕爲而致敗耳。彼王振倡謀。喜甯反噬。雖一死沙場。一膏釜鑕。而罪浮罄竹。報不蔽辜。宜乎靖康誅童貫。而賈生之書。必欲縛中行說而笞其背也。

景帝登極守禦

英宗北狩。戰士兵甲死亡略盡。邊關守隘。望風奔潰。搖足之間。黃河以北。非國家有矣。幸而遷都議格。鍾籛不驚。然而君父叩關。臣子拒敵。彼出其名。我負不義。狐疑既生。上下瓦解。請使亟行。責問無已。長安必不可守。英宗必不能歸。徒使有貞之輩。操星象而笑其後也。嗟乎。南遷不行。然後國存。和議不行。然後君存。兩議俱存。君國皆息。而少保之禍。不得旋踵矣。當夫北兵四合。守禦單寒。虎穴故君。已置度外。圍城新主。亦危孤注。身先矢石。義激三軍。冢置環寺之薪。人守州兵之哭。傲如石亭。怯如孫瓚。懦如王通。無不斬將奪旗。緣城血戰。追奔逐北。所向披靡。此一術也。軍聲復震。君臣固守。陵闕磐石矣。然而遣使入朝。動請迎駕。懸師剽掠。輒託回鑾。彼直我曲。彼壯我老。也先者。方且挾此奇貨。羈制中原。以戰不敗。以和可成。輸幣不還。進而割地。割地不歸。誘之稱臣。中原生靈。自此無安枕矣。而乃兄終弟及。父子之情。既割社稷爲重。君臣之義。亦輕。至則龍衣糗食。敬輸家。饋之忱。歸亦別院問宮。不過漢家之老。然則挾天子者。挾一匹夫耳。邀利之心。懈而好義之心。萌。郭登之言。而楊善之說。行英皇自此生入玉門矣。昔太公置鼎。漢祖分羹。徽欽被執。宋高哀請。一則新豐雞犬。還者闕廷。

一則淚灑冰天。終於輿櫬。蓋相如碎璧而璧存。賈胡藏珠而珠去。擁空名者。視同虛器。居必爭者。勢難保全也。夫昭王沈漢。穆滿難歸。楚懷入秦。頃襄不反。彼此得失。危不間髮。故漢高分羹之語。乃孝子之變璧。郭登有君之謝實。忠臣之苦節。英宗不感生還。反疑予敵。謙死東曹。登貶南都。忠臣義士。所以仰天椎心而泣血也。景帝外倚小保。內信興安。狡寇危城。不動聲色。當時朝右。豈乏汪黃。建炎踐祚。亦有宗李。相提而論。景誠英主。而乃戀戀神器。則又未聞乎大道者也。

河決之患

河自龍門下浮。東於萬山。南至豫州。地平勢怒。而河無安流矣。故河之決。必在河南。而既決之後。不南侵全淮。卽北衝齊魯。侵全淮者。潰散於潁毫徐宿。而害在田廬民業。衝齊魯者。橫激於曹濮單鄆。而患兼在隄防運道。然淮近而身大。決入淮者。患小而治速。漕遠而身小。決入漕者。患大而治難也。洪武初。河決原武。自潁壽入淮。正統十三年秋。河決滎陽。入漕。潰沙灣入海。景泰三年春。河又決沙灣。宏治二年夏。河決開封入淮。三年夏。河決原武。支流三一。自封邱下衝張秋。一出中牟尉氏。一溢蘭陽及歸德。瀾漫至宿。五年秋。河決張秋。七年春。河又決張秋。世宗十九年。河決睢州野鷄岡。四十四年。河決沛之飛雲橋。神宗五年。河決崔鎮。二十五年。河決黃塌口。懷宗十五年。河決汴城。大抵決口必在開封。南北百里。而被害之地。淮三漕。七後乃駸駸數病。漕河焉蓋。

合大河以歸一淮。物不能兩大。況水又泥淖多滓。驅二瀆之水。行闊逼之途。其必潰也明甚。而兗州卑下。齊魯
瀕海。黃河所向。并牽漕河諸水。盡瀉入海。故河決之世。陸則病水。水則病涸。發則病水。去則病涸。齊魯病水。漕
河病涸。一隅病水。全河病涸。而說者謂河既欲自豫決。竟入漕達海。何不盡浚豫。竟諸決地。聽河北流。過濟甯
下臨清。出直沽。漕與河合。漕不病竭。淮與河分。淮不病溢。策至便也。不知淮河浩瀚千里。一瀉猶不能洩。怒時
思沸湧。漕水千步百折。委紆盤曲。河豈能按轡徐行乎。若必廢漕制。以伸河體。取咽喉之地。爲尾閘之衝。必無
幸矣。故治河之道。古無上策。史冊所載。不過三說。曰疏。曰浚。曰塞。塞在上流。堽谷截流是也。疏在下流。分支灑
灑是也。浚在河身。築隄固岸。使之安行是也。疏近上策。神禹北播九河。賈讓北放渤海。棄地遷民。費以鉅萬。效
已難言之。近世以來。浚塞兼施。徐有貞謂水平後可治決。決止乃可濬淤。此先塞繼浚之法也。故力築張秋金
隄。堅塞決口。而徐濬漕河之淤。水道乃平。劉大夏言河道不治。乃修築隄防之功多。疏濬分殺之功少。此先浚
後塞之法也。故力浚賈魯河。孫家渡殺水入淮。又浚淤河。出宿遷。亳州入淮。後築長隄。起豫達徐。衝決遂止。他
如潘季馴之不失故道。不分濁流。楊一魁之首開武敦。次疏具壩。皆良策也。夫殷都帶河。蕭耿屢遷。武帝刑牲
宣瓠時決。終明之世。河患時警。未嘗一歲沮運者。浚塞之力也。九河故道。已不能修。漕河一綫。勢不能廢。然則
塞浚之功。與河終始。尙其借鑒於茲。

南宮復辟

易儲附

土木之變。司徒不戒。車駕蒙塵。九廟震驚。百官芟舍。國無長君。不幾青城五國乎。郈王膺統。喪君有君。天誅其衷。擁駕還國。當是時。新君有捉髮之迎。故主效止郊之哭。弟兄握手。且喜且悲。夫蘇李相違。河梁戀別。聲椒偶值。異國班荆。矧在同氣。又何能已。棠棣之詩。所爲作也。弟又北面稽首。恭上璽紱。兄且自陳失德。不敢復事宗廟。以臣避君。弟不先兄。景能辭位。史著美談。實則大寶已登。南向讓。三西向讓。再抑又何傷焉。至於菟裘營室。吾將老焉。千秋之後。願屬梁王。舍賢與子。如上皇何。廢不復興。如天下何。而乃初聞返蹕。不欲郊迎。旋入南宮。復止朝賀。勢且駸駸焉。登臺授兵矣。不幾貪天之位。應憎寡兄。實逼處此。繼乃授有廷臣。廢深立濟。忘餘祭傳。札之言。貽德昭憂。死之漸。君子謂郈王末路。自同盜國。奪門之釁。身實召焉。若上皇者。亦宜追悔前愆。不預國事。夫平王東遷。春秋貶之。降爲王風。英宗身受祖宗重器。輕信宵小。被繫北庭。幸而脫還。亦已得罪祖宗矣。辟之閭外之師。棄師而歸。封疆之吏。委城而走。高帝之法。尙當引繩批根。況在至尊。短垣而自踰之乎。卽至景帝賓天。羣臣力請英宗。亦宜開諭至誠。明予慚德。嗣王可輔。大統有人。元宗出奔。靈武卽位。道君北狩。庚構稱尊。父子兄弟之間。豈不克全無憾者與。而乃暮夜倉皇。驅車踐位。逼景帝於彌留。假關弁有翊戴。奪門二字。英皇不得正始。景王不得正終。授受之際。兄弟交失。而況升遐日月。史無明文。燭影斧聲。不無疑案。以至革除帝號。

加戮于謙。夫景受國有名，非少帝昌邑之比。而謙功在社稷，豈產祿舞陽之徒乎？觀其軫念癡癡，撫恩弱息，豆羹瓜蔓之涕，又何淫淫也！始知曹石所謀不臧，小人貽誤人國，刻薄寡恩如是哉！獨惜于謙者，百折不回於社稷，無君之日，不能出一言於東宮易位之辰，處人骨肉，自古其難。漢留唐鄴，所由擅美千載也。

曹石之變

石亨石彪驍勇善戰，有隴西李氏之風。使之臥虎北陲，自當匹馬不南矣。帝既北狩，也先再薄京師，陵寢崩摧，祭器灰燼，朔騎憑陵，目無中國。于謙督軍九門，亨彪轉戰甚力，德勝安定彰義清風店倒馬關諸捷，軍聲復振也。先諸部慟哭出關，既懼且悔，乃擁還上皇，以結好中國戰之力也。既而龍歸興慶，幕徙南庭，亨彪窺伺君側，逆知不起，合謀曹寺取功，奪門李賢有言，陛下應天順人，門何必奪？當前星已隕，震位久虛，聖敬方躋，乾符奪算，上天垂象，蓋可見矣。卽在景帝憑辰，羣臣憂懼，或心歸沂邸，或意屬襄藩，然而襄王自外入，內憲宗以子先父，則上皇之必能復辟，不待仰步乾象而後決也。一旦挾萬乘之尊，行僥倖之事，乘晦勒兵登垣，掖駕萬一謀，臣不謹，鄙郎預知曹石之肉，其足食乎？邀天之幸，私爲己功，吉祥蒙狐趙之勳，亨彪受蕭曹之賞，功以倖成，福以滿敗，當其請官卿貳建第，長安武安侯之除，吏竄都鄉之沁園，曹石此時帝固已芒刺在背矣。於時彪鎮大同，亨守延綏，分控要害，屢斬名王，捷聞幕府，帝輒召還。帝既疑石，石遂自疑妖言，遽興同悲黃犬，向使石氏無

奪門之功。亨彪豈少通侯之賞。積勞汗馬。以功名終。石氏子孫。雖至今猶存可也。吉祥無尺寸微勞。欽犀鑿鉉。蟬貂簪玉。稍加抑裁。輒生怨望。犯闕稱兵。反形尤著。負乘詩歌。相鼠身族。誅滅固其宜爾。嗟乎。方其論吉祥之功。曹欽身膺五等。未幾論誅吉祥之功。懷甯又進列侯。高帝白馬之盟。唐叔桐圭之賜。稍稍陵遲。衰微矣。英宗間。關險阻。再御萬幾。祭則寡人。有同王振。至天順五年。始下詔悔。曹石君子。以爲不勝其悔也。

汪直用事

有明百餘載。海內又安。朝野蒙業。太阿潛移。刑人執柄。中官之禍。屢作。至憲宗命汪直設西廠。喟然廢書歎曰。嗟乎。法之涼也。國行亂矣。夫千乘之木。必有壞枝。徑尺之璧。必有微瑕。故蕞續塞聰。垂旒蔽明。山澤納污。國君含詬。媿張武之金錢。隱河東之酒過。所以匿疵呈瑜。鼓策羣力也。國武好言人過。君子知其見殺。隋文苛細繩。下識者陋其貽謀。乃欲刺事暮夜。詢人牀第。方言巷語。競入宸聽。瓜蔓枝連。立成大獄。不知竹箒鉤距。賢吏薄之。謂其行衰俗惡。況以萬乘之尊。行政許之智乎。而且委柄匪人。寄權近侍。招致奸民。顯行繫械。其始也。李膺破柱。將閭呼天。因而權歸此寺。獄奏黃門。禍發清流。慘同白馬。繼也。薑桂皆鋤。脂韋成習。呈身宮掖。屈膝私人。中官勢成。而主上孤立矣。憲宗躬法。桓靈養奸。甫節卿貳大臣。直皆收問。局司近侍。直得更張。檻車逮治。南署空曹。緹騎行邊。北門不守。明世中人多竊寵靈。亦未有顯挈利器。授人斷割。如憲宗者。昔高皇帝罷錦衣衛獄。

焚其械具。垂示子孫。刑人於市。以明大公。勿幽置禁闔。委命奄嬖也。西廠繼罷。弊不復。革瑾讀直書。魏傾善類。至懷宗手平內亂。晚年東廠羅捕無遺。商鞅治秦。道無偶語。元濟竊蔡火。不夜燃。斯亦酷吏哀痛之風。衰國亂亡之漸也。彼汪直以大藤猪賊。幼蓄禁中。不思日磔寶瑟之忠。妄有祿山赤心之詐。酷好用兵。輒開邊釁。海西一役。幾激降人。而垂羽北陲。邀功南服。不知南海明珠。寂寥久矣。馬文升撫順推功。劉大夏安南焚籍。大臣之委蛇人國。固如是也。阿丑詭諧悟主。談笑除奸。單懷乃心。王室倚毗。正人夫亦寺人。孟子之流。溘于優孟之智也。與談言微中。說人主者。又何可不察也。

平鄖陽盜

鄖陽斗絕西北。錯處陂蜀南下。則光信南陽。豫州之域。漢北楚山。又皆蜿蜒互屬。下抵鳳陽。廬霍地徧千里。壤接數省。河流四達。複嶺萬里。麋羅之故國。鸞熊之邊陲也。終元之世。嘯聚不散。高皇削平。竟虛其地。禁民勿入。夫亦周終徙洛。漢不復豐。惡其淵藪。遂作邱墟。然而鄖處萬山林篁叢密。地既紆迴。利堪樵給。流民主長。莫隸版圖。家占土田。不知租稅。此亦桃源之於武陵。五丁之於蜀道矣。流聚既多。遂生雄長。天水泥丸之志。尉陀坐大之形。劉通以膂力號。劉千斤石龍以妖讖號。石和尚憲宗之世。僭號改元。唐鄧荆襄騷然不靖。白圭以大司馬出督五道。俱進。敗之南漳。懸軍深入。焚其中營。千斤獻俘闕下。而臨陣斬獲者。萬有餘人。蹂亂走死者。不可

勝算兵威懲創於斯烈矣。既而劉長子又以餘黨復聚巫山。圭發師掩捕。連營入討。食盡援窮。誘殺渠帥。獲縛者復六百餘人。而上猶命縱兵誅剿。必無噍類。示不臣之炯鑒。明天威之莫犯也。既而李翦子又以餘黨擾亂荆襄。項忠主剿。尤力徧召上兵。進營竹房。陳俘二千。編戍滿萬。乃史稱其草薙良民。枕藉山谷。戍多道死。尸棄江干。項羽盡屠外黃。晉楚遂築京觀。不是過也。然而流民入山就食。雲集如前。大臣悔禍。始議更張。洪謨著流民之說。文會有三事之陳。原傑乃披榛履險。宣布慰問。於是山東之民扶杖聽詔。河北之老流涕觀軍。入籍者十一萬三千。願留者九萬六千餘戶。各占曠土。並輸賦役。割地三省。設置六縣。而鄭陽巍然重鎮矣。鄭國成渠。秦漑萬頃。受降河外。唐築三城。國寶慢藏。利器誨盜。非惟棄險實啟戎心。故一介之吏。賢於十萬之師。糧鉏之民。勝於組練之甲。然後知飲至凱還。稱俘獻廟。當時虔劉我赤子。抑又何多也。原傑崎嶇布置。竟以勞卒。萊公雷竹。叔子峴碑。視死人如刈。以爲己功者。吾又以傑爲百世如生也。

平藤峽盜

大藤嘗粵西潯州地。其水則潯水。府江環五百里。其山則夾江峻嶺。嶮呀峭削。盤蓋捫天。高瞰數百里下。乃臨不測入邃谷矣。其徑則引一縷。歷千盤。非手援足躡。不得施步而上也。其中則前庭後戶。左障右屯。一夫荷戟。千夫辟易也。其前則牛腸大牯。臨江壁立。敵不敢仰關而攻也。其後則仙人九層岩。峒星列道里。不可裹糧而

窮也。其產則密箐叢篁，毒瘴惡霧，非人所處也。其器則長矢勁弩，淬毒傅藥，人且應弦輒斃也。披圖攷俗，綜其大略而大藤之勢，蓋不特蜀有烏道蠶叢，華有天門箭括已爲之開，立郡縣而流官土官交錯難治，建置學校而犛獠獷悍，淫殺性成，通魚鹽以誘之，則見利犬狴，建營堡以備之，而失勢獸駭，辟之瘦匏腫樗，輪匠不能斷，遽除戚施，官司不能材，神臯之甌，脫上天之驕子也。然而俗編赤縣，未可不臣，地屬神州，終難度外，而嚴尤論狄古無上策，賈讓治河僅行中計，大軍不可久駐，孤軍不可追險，合圍防其軼出，屯守更苦刮掠，癘疥之疾，能廢七尺之軀，涓滴之流，可盡江河之水，王荄所以決戰，韓雍所以肆伐也。先渡潯水，決其樊籬，縱火大藤，空其巢穴，賊乃悉衆憑險，兵拒戰，而王師援木攀蘿，楚歌四合，猿牽蟻附，漢幟先登，磨石橫崖之谷，題銘九層之樓，鋸藤絕經，奪其世險，至於支離身首，刳剔肝腸，金鼓陳兵，旌旗秉纛，蓋以天兵不易至，重險不易得，扼吭拊背，急擊勿失，宣暢皇靈，顯彰天殛，取威定亂，在是役也。然猶武備中弛，苞蘖復盛，二十年而有新建之師，又十年而有蔡經之捷，賊勢稍殊，兵形亦異，類皆窮追深入，耀甲橫戈，蓋孔明巴蜀，率用嚴刑，張詠益州，輒行捕斬，亂國重典，有自來矣。然而興利除弊，勿擾其俗，仁漸義摩，久革其故，蠻戎猶有人性，長吏者又何可以馬上治之也。

興復哈密

環西北鄙。部落百千。非叩邊而臣。卽仰關而攻也。漢武帝開河西四郡。以隔絕西羌。收三十六國。以斷其右。臂。殫材隕兵。浮河抵漠。其與蒲桃天馬。妄事異域者。殊矣。高帝開置甘肅二鎮。勢甚孤危。成祖乃設立哈密。七衛。西出肅州千五百里。北抵天山。所謂斷右臂。隔西羌也。取不亡。矢遺鏃。守不留兵屯戍。百年逋寇。扼其吭而。有之。爲國西藩。計誠盛哉。英宗卽位。土魯番始盛。控弦數萬。奄有哈密。劫其王母。夫晉楚勢鈞。狗爭新鄭。蜀吳。通好。必取荊州。以世守西藩。不能出一旅相存活。僅鑄哈密印。更賜罕慎。棄地損威。端先見矣。其後乘喪納。主盡非長策。阿黑麻旣壯。復修夙讐。再殺罕慎。孝宗仍聽其款。更立陝巴。至七年。陝巴就執。張海見欺。朝議方。主用兵。許進上方略。楊翥議乘間。夫定遠以一介使者。決機俄頃。猶然橫行絕塞。諸部怵息。至甘英抵條支。厯。安息。臨西海而進。等策召罕東。罕東不赴。計斬牙蘭。牙蘭宵遁。兵不遇敵。死亡略盡。僅得空城。爲世口實。中國。長技。蓋可見矣。自此以後。賀蘭以外。不見漢室旌旗。成紀以西。無復李家部曲。然土魯猶心憚中國。蒲伏納土。自武宗時。宗順王拜牙郎。棄城抱印歸番。而番長乘釁移書邊將。責取金幣。贖還城印。巡撫彭澤復私許繪幣。邀功恢復罪過。王恢辱浮廣利。自西方用兵。幾四十年。土番未嘗一矢及關也。自此心輕中國。徑薄甘肅。中國。稍稍被兵焉。封疆之寇未除。中朝之鬪旋作。左祖彭澤者。輔臣力排彭澤者。司馬訟大禮者。又借封疆爲赤幟。修小隙者。還假通敵爲兵端。嫉輔臣之激。始許彭澤之欺。發主帥之謀。并陷九疇之罔。去年對簿。今歲賜環。暮。

入軍門。朝流荒徼。置大帥如奕棋。視巖疆如孤注。而河西以外。拱手授之他人。若夫天府金湯。棄同敵隄。而西藩甌脫。又當罪從末滅矣。

平固原盜

太祖之平陝也。元都落把丹率眾歸附。授平涼衛千戶。以畜牧射獵爲生。頗饒樂足用。而成化初年。把丹孫滿四。又以貴雄諸族。然招納亡命。抵觸文網。石勒倚嘯東門。劉淵請歸會葬。蓋未嘗一日忘北徙也。乃以撫臣陳介。捕治逋逃。參將劉清。斂錢餽贈。而遂聽李俊之後黠。劫滿璫以鼓亂。然不西通甘肅。東屯河套。而但入據石城。憑險負固者。此直緩死之圖。非有敢疆之志也。夫石城去平陽千里。而遙緣峭壁十仞而上。繩行懸度。四面陡絕。昔人經營以避禍亂者。萬年奄有。氏服。豈居郿塢之中。劉曜入據長安。匪保桃源之境。吾固知四者。特債轅之小憤。非飛食之攫獸矣。比至陳介出討。賊衆僞降。斥馮信。緩師之謀。用吳琮進兵之策。薄城一戰。軍盡殲焉。假令禁馬謖之輕出。則街亭無敗。用許歷之據險。則關與可勝。介實輕敵罪。則奚辭。若夫項忠身冒矢石。馬文升躬擐甲冑。圖山谷則聚米成形。斷樵牧則困獸自斃。而且金鉤賜虎。狸刮刀誓賞格。數月之內。俘獻京師。功垂竹帛。乃知岳節使之神算。竟定湖湘。祭征虜之奉公。終摧隴蜀者也。然其始王師屢挫。兵力單微。中外洶洶。頗言星孛不利西方。書生豈能料敵。而忠以晨討朱泚。熒惑守歲。安拒苻堅。郟鄏遺罷。豈非意思安閒。知彼

知己者耶。總之辦賊之方。由於將帥。命將之略。本於政府。所喜者。彭時斷其就擒。商輅欽其布置。夫論思密勿之地。決勝千里之外。比於真長料桓温之必克。郗超識謝玄之有成。猶爲過之。而彼張解設難。發言盈庭。豈非貪肉者鄙哉。若夫丹穴之逃。薰以蕭艾。東門之役。撤其關梁。則尤長駕遠馭之規。毋俾易種於茲邑也。

歷代史論卷一終

明史論卷三

提督浙江學政僉事豐潤谷應泰論正

弘治君臣

三代而上成康敗甲尙矣降是其漢文宋仁乎乃予所聞於明之孝宗近是人主在襁褓則有阿姆之臣稍長則有戲弄之臣成人則有嬖倖之臣卽位則有面諛之臣千金之子習驕佚萬乘之尊求適意快志惡聞己過宜也漢文止輦受言張釋之馮唐皆以片言悟主宋仁開天章閣圖治韓范富歐無不先後登朝孝宗之世明有天下百餘年矣海內乂安戶口繁多兵革休息盜賊不作可謂和樂者乎而孝宗恭儉仁明勤求治理置亮弼之輔召敢言之臣求方正之士絕嬖倖之門却珍奇放鷹犬抑外戚裁中官平臺暖閣經筵午朝無不訪問疾苦旁求治安非如曲江興慶賞花釣魚歌鳳凰於卷阿醉豐草於湛露流連清議擬迹成周恣詠太平比蹤虞德者也當是時冰鑑則有王恕彭紹練達則有馬文升劉大夏老成則有劉健謝遷文章則有王鏊邱濬刑憲則有閔珪戴珊夫孔里好龍真龍降豢孝武好馬天馬西來上所好者下有甚焉延攬之門開外史封還誥敕誹謗之禁疎小臣執奏椒姻黃鐘大呂能生瓦石之音帝室皇居不去櫪槌之器雍雍濟濟斯爲盛矣然而郭鏞李廣以中官進壽寧二張以外戚進燒煉齋醮以方士進番僧慶讚以沙門進夫弘恭石顯已在病已

之朝。廖光防鷺。不絕馬鄧之世。牛腹玉杯。能號後元。譯書大竺。進自永平。蓋盛陽之月。必有伏陰。舜禹之朝。不無共繇。得志則虎變。失志則鼠伏。用之則風生。不用則泥蟠。是故管隰在朝。刁開難亂。孔明作相。黃皓無權。世豈有無小人之日哉。人君進賢退不肖之間。安危倚伏。不可不審也。聞帝與張后情好甚篤。終身鮮近嬪御。琴瑟專一。出自掖庭。玄鳥呈祥。遂在中宮。尤古今僅事云。

劉瑾用事

嗟乎。宦寺之禍。自古烈矣。周禮重奄。寺之司。秦風著。寺人之刺。蓋以其人進身刑餘。卽員灑埽。非有忠孝砥礪之素。而其入也。優游房闈。窺伺色笑。其出也。口銜天憲。手秉王章。固宜其威福剽恣。發不旋踵。而傾軛覆軫。動成烟燼者也。劉瑾以青宮舊侍。狐蠱君側。當其始也。豈遂有莽懿非常之志。温卓不軌之謀乎。假狗馬音樂。以冀君王之憐惜。取富貴苟容足矣。而乃毒蛇不斷。壯夫螫手。韓文一發不中。而顧命諸臣。斥逐無遺。六給事十。三御史之章。再入。而諫官臺臣。誅鋤略盡。於是北門之獄。驟興。搢紳之禍。尤烈。內閣樹其私人。部寺張其羽翼。威燄加於郡國。更置及於巖疆。瑾遂駸駸焉。不能安於人臣之位矣。夫水自湍也。風又激之。湯已沸也。火又烈之。廷臣自李東陽而下。無不覲顏要地。甘心頤指。間或微言解鬪。自託於太邱之弔。張讓然而固寵。依違詭殊。於商君之囚景監乎。清流之望。既歸宮府之權。自一小人得志。有自來矣。焦芳劉宇。寧足責哉。然而李夢陽之

關部密謀無異於楊一清之密說張永也。王岳范亨徐智之從中奏上。又無異於張永之叩頭哭泣也。李計中洩於政府。而楊謀獲成於闕外。岳亨敗事於瀟滯。而張永決策於立談。言於寘鐻倡亂之後者。信而有徵。言於狗馬娛心之日者。迷而難悟。卒之國家受恭顯之禍。政府有匡趙之羞。張永收桑榆之功。諸賢深徙薪之痛。易曰。開國承家。小人勿用。豈不信哉。

寘鐻之叛

正德二年四月。慶府寘鐻反。十四年六月。寧府宸濠反。逆同罪均。固已然。古者天子居重馭輕。先奠根本。分建宗子。次固維城。無事則修職稱貢。率土歸王。有事則擐甲荷戈。用紓國難。是以家裕苞桑。國鞏磐石。計深遠也。劉瑾威劫大臣。權傾萬乘。帶刃畜何羅之謀。術士進蒯通之論。二世之禍。直須時耳。寘鐻聲罪發難。志清君側。夫產祿在而興居之兵非叛。武墨寡而敬業之兵亦正。惜其溺志巫覡。擅殺命卿。狼狽稱戈。既無觀變之智。徘徊河上。初無撥亂之心。所以身膏斧鑕。而秦人莫之哀也。不然。扶蘇受沙邱之詔。而吞聲自裁。湘岳得臺城之命。而擐甲不進。強枝固本。又何以稱焉。雖然。寘鐻一狂悖監子也。天誘其衷。狡焉思逞。天殆借鐻爲逆。璫授首資乎。寘鐻不反。則張楊夜半之謀不合。寧夏不亂。則武穿公心之愛不割。張父趙母。社稷之憂。詎有艾歟。觀楊一清道聞鑄擒而急反京兵。緩誅惡黨。豈非狡童游魂。應時翦滅。而璫毒方深。人心易震。內憂未靖。外寧非福。

豹房之計得行。而後戰勝之賀。乃在廟堂也。然則寧夏之功。不在寧夏。而在楊一清。乘寶鑰以誅城社之奸。南昌之捷。不在南昌。在於王守仁滅宸濠。以寒覬覦之膽。嗚呼。皆可謂大臣者矣。

平河北盜

劉六劉七齊彥名等。初發難於霸州。趙鏐邢老虎劉三等附之。而盜愈劇。至鏐等入河南。七等入山東。是羣盜分寇之始也。既而并兵薄都城。至尊倉皇。召對左順。中旨夜出。指授方略。社稷無人。幾於發蒙。振落矣。乃馮禎纔破鏐於景州。而田彬沒全師於山左。許泰甫奏捷於蓑巖。而劉七屠名城於冀右。徒敗車奔。旗靡轍亂。以此易彼。得不償失。游魂坐失。禍延淮北。賊騎有京觀之築。池隍無卽墨之堅。指斥乘輿。妄陳天命。而羣盜再薄都城矣。夫金湯天險。百靈呵護。么麼小寇。敢爾蹂躪。則以七等固嘗潛入宮門。終伏禁掖。窺龍顏於豹房。分天香於御苑。彼項籍偶觀會稽。石勒倚嘯東門。亦未有睥睨彤幃。鼾寢臥榻。如茲盜者也。於是宮門晨扃。南郊幾阻。徵調繁興。六師雲集。然後七等再入齊。鏐等再入豫。自此以後。盜不復合。劉三趙鏐猖獗於兩河。巡撫彭澤以大同遼東宣府之兵禦之。劉六劉七滋蔓於濟北。少司馬陸完及禎暉許泰諸將禦之。其餘咸寧侯仇鉞。伏羌伯毛銳。中貴谷大用。邊將江彬。類皆將門世胄。良卒信臣。莫不赤羽耀日。鐵騎屯雲。然而魚賊鳥窮。狼奔豕突。偏師少利。擁麾不前。軍氣初揚。緩追逸賊。甚至斬掠難民。邀勳幕府。紈袴輿徒。動加青紫。太倉少府。濫若泥沙。

此○怨○毒○所○以○日○深○中○原○所○以○不○靖○也○既○而○鏖○等○屢○挫○自○豫○南○竄○楚○境○楊○虎○溺○而○賊○勢○盛○趙○鏖○擒○而○賊○勢○盡○矣○七
等○自○齊○北○掠○京○畿○南○窺○徐○宿○鋒○似○鷗○張○勢○亦○窮○迫○由○邳○流○豫○由○豫○流○楚○劉○七○沉○於○水○濱○此○亦○天○亡○之○秋○也○鏖○而
舍○陸○登○舟○死○灰○復○燃○買○其○餘○勇○三○江○騷○動○天○門○無○安○都○之○柵○京○口○無○徐○盛○之○城○踰○楚○窺○吳○如○履○平○地○幸○而○妖○星
已○隕○風○伯○揚○威○當○是○時○劉○暉○率○遼○東○兵○任○璽○帥○大○同○兵○却○永○帥○宣○府○兵○聚○天○下○之○全○力○撲○窮○途○之○逋○寇○猶○莫○不
永○戰○火○攻○矢○窮○弦○絕○然○後○骨○載○專○車○頭○行○萬○里○當○其○始○也○劉○瑾○以○威○激○之○張○忠○以○賄○縱○之○及○其○繼○也○甯○梟○以○酷
激○之○馬○中○錫○以○撫○縱○之○事○發○於○中○官○禍○成○於○庸○帥○卒○之○封○爵○定○勛○先○及○中○人○子○弟○焉○夫○張○讓○通○書○張○角○黃○巾○平
而○讓○等○俱○封○列○侯○令○孜○致○亂○黃○巢○長○安○破○而○令○孜○居○功○扈○駕○敗○亡○之○主○各○賢○其○臣○而○五○省○生○靈○魚○糜○肉○爛○悲○夫

平蜀盜

正○德○中○蜀○盜○藍○廷○瑞○鄆○本○恕○廖○惠○起○漢○中○曹○甫○方○四○起○江○津○廷○推○林○俊○優○詔○特○起○俊○時○憂○闕○家○居○也○俊○既○命○通
江○之○戰○擒○廖○惠○走○廷○瑞○賊○勢○窮○感○轉○窺○秦○隴○吳○景○之○死○曹○甫○授○首○江○津○不○振○僅○走○貴○州○俊○之○視○蜀○初○效○可○謂○李
綱○入○來○方○有○朝○廷○光○彌○代○軍○旌○旗○變○色○者○矣○而○乃○洪○鐘○出○督○崇○熙○會○勤○兵○有○連○雞○之○形○將○無○輔○車○之○勢○我○志○方
瓊○醜○氛○復○振○然○後○羣○帥○戮○力○數○道○並○進○雖○誘○而○殺○降○疑○近○不○祥○詎○知○縱○之○復○叛○無○異○養○癰○廷○瑞○本○恕○檻○車○詣○闕
保○盜○餘○黨○誅○鋤○殆○盡○所○不○獲○者○廖○麻○子○一○賊○耳○方○四○再○寇○江○津○俊○又○六○面○督○攻○斬○其○渠○帥○四○之○妻○孥○悉○俘○帳○下

雖蠻官小衄。四幸漏網。噉息黔中。已墮心膽。假令借籌有人。處置得宜。聖詔優獎。留俊撫綏。汲黯臥治淮陽。童臯久鎮西川。錦江三峽之間。遂將枹鼓不鳴乎。角巾扁舟。輕裝還里。蜀民追送。涕泗橫流。誰秉國成。何其謬哉。於是漢中餘孽。廖麻子再與喻思倬等倡亂矣。黔中逋寇。方四復與麻六兒等出掠矣。內江崇慶相繼效尤。范藻松祥人思雄長。夫蜀寇紛紜。本非劇賊。王師壓境。實皆勁旅。然而中人邀爵。必使子弟監軍。鄙夫秉鈞。喜言賊平受賞。彭澤再出餘黨。旋平。蓋用兵六載。屢成履屺。俊既去位。人無畏咎。至崇熙逮而洪鐘撤爭利。諸臣抑已知難而退矣。澤遂得專制閩外。削平全蜀。夫林俊當小腆初張。舉朝貪功之日。而彭澤當賊氛滋蔓。命臣畏禍之時。澤遂享有功名。俊以齋志老死。君子於俊。不無李廣祖述之感焉。

宸濠之叛

武宗慢棄神器。王綱不守。累葉金甌。視爲中原之鹿。於是羣邪睥睨。蕭牆之內。眈眈虎視。人有風雲之想矣。宸濠復護衛於正德二年。舉兵於正德十四年。十餘年之間。碁布星羅。賊黨幾徧海內。當其始也。胡蠡斯龍種之衰。妄冀千秋萬歲之約。畜梁孝淮南之志。要結伍被嚴助之歡。與服升朝。儼然大寶。稱戈喋血。詎其本懷。旣而玉厯無疆。妖謀漸洩。羅落彌巖。腹心愈廣。其骨鯁不附者。內則大學士費宏。外則巡撫孫燧。副使許達。數人已耳。宮掖樹其私人。六卿半其羽翼。京省津梁。飛騎立達。荆蠻百越。振臂能呼。知義旗之莫舉。料乘輿之必東。設

伏關輔之間。陰謀博浪之事。嗟乎。飛鷹揚羽。已上其鞮。游魚鼓鬣。已吞其餌。武宗方且改號將軍。貶名鎮國。右
擊江彬。左倚忠永。張皇國門。有同兒戲。豈不危哉。所幸宸濠。身居彭蠡之間。結聚椎埋之客。地利既失。人衆不
臧。玉燭灰而復明。皇輿昃而旋正。是乃天意。夫豈人事焉。若王新建崎嶇江介。倡率羣僚。亟攻南昌。覆其巢穴。
迎戰鄱陽。擊其惰歸。柴桑捷而長鯨晝徙。湓口圍而寶帳宵灰。兵甫萬餘。時纔旬日。天生李晟。爲國非爲朕也。
大功甫立。疑謗旋生。角巾野服。口不言功。委蛇於羣閹之間。調護於悍軍之日。所憂在國。毀而不在身。危所爭
在民心。而不在己。爵卒之上。勳格而不行。五等加而又奪。然而陳湯之爵失。而不泯其功。魏徵之碑仆。而詎損
其直。微彰柔剛。龍蛇伸屈。殆所謂浩然正氣。日月爭光者與。若夫孤城單旅。牽制賊兵。不使下留都者。安慶知
府張文錦。武臣楊銳。崔升也。聞難赴義。先登摧敵。佐成大功者。知府伍文定。及邢珣。徐璉。戴德孺也。分翊支蔓。
收復降郡者。知府陳槐。曾瑛也。王瓊。拔守仁於未有事之先。未雨綢繆。國之元臣也。張永。寺人耳。片言感悟。力
爲左右。呂彊。張永業之功。何以加焉。悲夫。樊噲以呂戚而得免。蒞醢。杜預賂朝貴而始遂名。功臣志士。所遇抑
又何窮與。

平南贛盜

正德濁亂。羣盜蠡起。而江西之盜。有五大。帽山者。號贛賊。仙女寨。雞公嶺者。號華林賊。瑪瑙寨。越王嶺者。號靖

安賊王浩八爲桃源賊。樂庚二陳邦四爲東鄉賊。自江西副使周憲戰死。華林總督陶琰再撫浩八。而二賊稱最劇焉。至巡撫周南平贛賊。知府李承勛平華林靖安。參政胡世寧吳廷舉平桃源東鄉。當是時。陳金俞詠寶筦節鉞。承勛廷舉功最出奇。經營九載。至正德十一年。而南贛賊黨略平。皇靈未暢。苞蘖旋萌。於是江西之賊復有四。藍天鳳等爲左溪賊。謝志山等爲橫水賊。鍾景等爲桶岡賊。池大鬻等爲涑頭賊。新建以廷推舊望。簡蒞新衙。規畫山川。廣行間諜。親破賊巢者八十餘。增設縣治者二。特設南贛提督軍門者一。自正德十二年受命。至十三年。而江西賊悉平矣。夫諸臣平賊遲而變隨。新建平賊速而賊定也。蓋江西南臨百粵。北枕大江。東連閩嶠。西接荆蠻。地延千里。址交五省。又有崇山峻嶺。鳥道叢篁。車騎不得長驅。米芻不得時給。王師直指則鳥道深林。振旅還朝。卽鼠謀竊發。揆其形勢。則決地之翼不能離巢。徑丈之鱗終難失水。然而尉陀有七郡之計。任囂效坐大之志。庾嶺以南。舉足非國家有也。當四賊再發。涑頭遠在汀州。桶岡實處楚境。左溪橫水互連。其中彼且視狡兔之窟。成率然之形。漢天子有神靈。豈能從天而下乎。而當時議者動思言撫。此何異招麋鹿於金鏹。呼亡猿於朱檻。有躑躅徜徉。去之惟恐不速耳。撫不就而用勦。徵調狼達。兼招苗峒。劫掠性成。罕知王制。引入內地。恃爲長城。賊甫獸駭。我已鷓鴣張。賊苟帖耳。求生則我已受之。恐後矣。羈縻勿絕。豈久安長治之道也哉。新建悉罷客兵。自募鄉勇。養兵數月。觀釁旬時。德裕築籌邊之樓。文淵畫聚米之舟。猶慮賊兵四出。率制

我師僞撫。瀕頭佯委。桶岡使皆懷疑。觀望徘徊之間。鼓行而進。直擣中堅。奇兵雲擾。鐵騎颯馳。橫水累巢。左溪失險矣。桶岡既斷。右臂王師已入門庭。兼兩塞遁逃。自相駭觸。乘其破膽。一鼓遂登。兵法所謂出其不意者也。瀕頭愚狡。新建玩弄股掌。賊首池大鬚等。皆千里誘致。縛之樽俎。渠魁已在檻車。天兵已薄賊險。而彼且鼯寢晏然。鼓角一鳴。千山聲動。賊於斯時登陴受兵。則一木不支。倉皇出逸。則四面楚歌。相顧解甲。慟哭請降。武侯五月渡瀘。而南人不復反矣。夫江介嶺表。限在天南。拊背扼吭。專支閩外。楊僕樓船。馬援銅柱。比之新建。何以稱焉。

江彬奸佞錢甯附

江彬以邊卒入侍。稔惡十年。顛越乘輿。幾危社稷。然跡其所爲。非有他謀。特嘯強驚悍庸材耳。方彬之起家塞上。睥睨宮闈。此何異祿山之侍玄宗乎。且其外握邊兵。內交近侍。錢寧張忠。皆其羽翼。辟之莽。乃依恭。卓復結讓庭。湊內附守澄。沙陀通好。令我區區之天下。一物亡商。二憾覆晉。武宗存。則挾天子以令諸侯。武宗崩。卽矯遺命以擅大寶。不待智者而決矣。而乃招致邊軍。入演大內。君臣戎服。凶器爲娛。繼遂厭心萬乘。屏足九重。誘導以離宮之歡。恣情於馳騁之樂。搏蒼鹿。搔玄熊。樂如是足矣。卽其殄滅善類。斥詘正人。血飛狂狴。遂半朝堂。亦猶之猛虎在檻。咆哮欲出。飢鷹在韝。忿揚思飛。初非有翦除異己之心。質刼公卿之志也。夫彬本武人。而武

宗所喜在戎服言兵。彬生沙磧。而武宗所喜在遊巡天下。順其志。卽相與揚戈躍馬。拂其意。則相與嚴威峻法。同聲相應。同道相謀。書曰。予有亂臣十人。同心同德。非徒聖主。彼亦誠然。逮其震主之威已立。赤族之禍將成。雖有中庸。亦必巧營三窟。計成百足。乃至武宗彌留之際。彬有晏然歸臥私第。命一介之吏。奉尺一之詔。召之。而卽至。同車疾驅。父子駢首。何其愚與。夫曹爽釋兵歸天子。求老私第。商鞅刑太子。傅孝公崩。欲自亡。入魏。自古以來。器小而位高。威重則身危。奸邪前敗。禍患後隨。瀕死而不知悟者也。然予以爲武宗之世。逆瑾之變。十常侍甘露之黨也。河北山東江西四川之寇。黃巾黃巢之亂也。眞鏘宸濠之變。七國八王之孽也。江彬之奸。董卓祿山之釁也。然而陰瞞甫合。旭日旋升。大廈欲傾。漂搖不入者。則以構禍諸人。類皆乳臭茫茫草澤。更無英雄。至於在內。如六給事十三御史。編修舒芬等。百有七人。在外。如楊一清。王守仁。林俊。彭澤。莫不慟哭。斬奸呼號。阻駕枕戈流涕。投袂登舟。觀於水溢宮門。橋柱七折。上天告譴。似爲言官兼之。明星夜隕。特勸回鑾。吳楚颶風。盡飽魚腹。此莫非諸君子格天之功。抑祖宗在天之祐與。傳曰。善人國之紀也。詩云。人之云亡。邦國殄瘁。斯之謂與。

大禮議

孝宗仁聖。麟趾不蕃。武廟盤游。前星失耀。再世衰微。古今至變也。當是時。重繼嗣者私恩。重承統者大義。而世

宗以臣紹君以弟承兄。數天臣誰忍孝宗之嗣一傳卒斬者。既已斬焉。則忠臣義士不能復續。其同氣之近者立之。統在嗣亦在矣。所以武宗遺詔不敢子視世廟也。既已兄稱武廟。因欲併考孝宗。則孝以無親。反因得子於義。爲誣稱子逼武二統。嫌孝於理亦礙。況父子至親。豈可隔世軼代。妄相附屬。比之定陶濮王。生視寢膳。死視斂含。曾有鞠養之恩。蚤定父子之分者。迴相判也。既不考孝。卽考興獻。天下有無父之人乎。漢宣不皇其父。未嘗不考皇孫。光武不皇其父。未嘗不考南頓。既考興獻。卽當皇興獻。天下有子爲天子。父爲列侯者乎。據稱兵逆父。遂不敢皇。猶之舜不王瞽。禹不王鯀也。興獻以肇胤啟聖。儼然皇焉。亦猶之周王王季。周王文王也。湯不王商。癸而周王王季。光武不王南頓。而世宗王興獻。踵事增華。禮以義起。孝子之至也。所疑者考興獻。則疑於無孝宗。皇興獻則疑於躋武宗。憑几彌留。奉迓入繼。不能得世宗而延其嗣。反欲召興獻而亂其統。此舉朝所以沸騰。百官所以號泣也。不知太廟者承統之地。皇而不廟者有異。稱宗者繼統之名。皇而不宗者亦殊。懿文太子亦得爲康皇帝。英宗斥郕王。然亦稱景泰帝。不入廟則地不逼。不稱宗則名不嫌。親近則尊。親盡則祧。辟之遙。除之官。追贈之號。曲體罔極之私情。無預朝廷之名器。乃世宗尊爲天子。必欲使之不王。其父興獻爲天子父。必欲與之共臣。其子此則議禮諸臣之過也。至於觀德殿足矣。必欲遷近太廟。與之同一獻皇帝足矣。必欲削去興獻。崇加徽號。見太后於世廟。著獻皇之寶錄。折衷禮經。毋乃不倫。興國皇太后聖旦。則宴賚

有加。昭聖皇太后千秋。卽傳免朝賀。傳聞乖異存歿傷心。卒之不加宗。不入廟。殺微稱。止遷葬。則亦璵璠有功於存統也。若夫廷和等之伏闕呼號。甚於牽裾折檻。世宗之疾威杖戍。竟同元祐黨人。大禮未成。大獄已起。君臣交失。君子譏焉。而廷和戮及身後。楊慎謫死。貶所。濮議諸臣。旋蒙賜環。興國之獄。無復金雞。此則世宗乏錫類之仁。亦璵璠諸人無休休之量也。至於豐坊倡議。嚴嵩附和。嚴父之說興。睿宗之號進。孝宗幾疑逼宮。武廟嫌躋新鬼。以明察始。以豐禰終。蓋豐坊固子政之劉歆。分宜實議禮之林甫。善作者不必善成。惜乎不令張乎。敬見也。

更定祀典

漢制近古。然禮制缺焉。唐祖李聃。宋祀靈應。禮官式微。愈彰誣褻。明初宋濂諸臣講禮。戎行頗多齷齪。高祖喜簡易。不見採擇。豈禮樂必百年後興歟。後世謹守故府。學士大夫莫敢辨難。世宗自大禮議。慨然有更定制作之思。而諸臣紛紛言祀事矣。嘉靖九年二月。議郊社禮。冬十月。議孔子禮。十一月。有事南郊。十年春正月。享太廟。議祧禮。二月。祈穀議。諡行朝日禮。建土穀先蠶壇。五月。有事北郊。八月。行夕月禮。十三年四月。視太學。行釋奠禮。十四年二月。建九廟。十七年五月。議明堂秋饗禮。九月。祔獻皇帝。加睿宗配祀上帝。嗚呼。盛哉。至尊莫大於天地。至親莫大於祖宗。教天下莫大於孔子。養天下莫大於土穀。尊天地。故有郊社。郊壇於南。社壇於北。本

其氣也。日月風雷山海嶽瀆隨焉。從其類也。配以太祖。明受命也。秋復饗於玄極殿。報其功也。秋則屬於太宗。告成功也。晚易容。宗昵於私。已親祖宗。故有太廟。太廟七。太祖三。昭三。穆也。文世室一。別祀成祖。不敢祫也。立春特享。三時合享。勤時祭也。季冬大禘。萃渙也。五年一禘。設皇初祖。主配於太祖。報本追遠也。德祖祧矣。禘宜用德祖焉。虛設皇初祖位。泥古而誣者也。黜德祖若羣帝。然嫌高帝已教天下。故祀孔子。孔子加封自漢平帝始也。王拜於帝。僭已稱先師禮也。廟祀設像。自唐開元始也。其藝已甚。易木主禮也。八佾十二豆籩。自宋徽宗始也。祭用生祿。太學仍之。郡國減等禮也。帝釋奠舞六佾。謬已從祀四聖七十二賢矣。曾點顏路退食。廡下子先父食。改附啟聖禮也。刪申黨黜公伯寮等十三人。改遼琰等七人。進后蒼等五人。考證班班。勿僭勿黷禮也。養天下。故祀土穀。祈穀於大祀殿。用人道也。配以太祖太宗。有天下之主也。遷蠶室於西苑。申內禁也。土穀壇亦遷焉。非其類已。帝採稽典聞。精思禋祀。進退在心。斟酌美備。庶幾一代之典。亦十世可知之故也。

世宗從道教

宋臣李沆之言曰。人主當知四方艱難。否則土木禱祠。次第並作。而伊尹之訓太甲。亦曰。酣歌恆舞。時謂巫風。此皆豫大之良規。嗣王之炯戒矣。世宗起自藩服。入讚大統。累葉昇平。兵革衰息。毋亦富貴吾所已極。所不知者壽耳。以故因壽考而慕長生。緣長生而冀狝舉。惟備福於箕疇。乃希心於方外也。爰考初政。卽設齋宮。及其

末年猶餌丹藥。蓋遊仙之志久而彌篤。未有若斯之甚者也。方其前星未耀。玄鳥方來。瑤筐誕祥。高祿有應。世宗信之欣然。以天神可降焉。於是命道士邵元節爲致一真人。金銀象印。陪祀南郊。風雨靈壇。職司祕籙。而且祠神紅玉。分詔詔使。享天青閣。召視重華。雖黃帝憑五城以授神人。漢武寵文成以延方士。未爲過也。繼又召真人張彥頤。設金籙大齋。則有白鶴降庭。卿雲捧日。去天尺五。幾於呼吸可通矣。然元節身死。玉棺不來。彥頤宅火。饌酒不減。而世宗之意。冀遇其真。復召陶仲文者。拜爲神仙高士。徐市既去。更用盧生。混康以還。復徵靈素。卽蓬萊之想。愈殷。祈年之觀。益麗矣。乃若旋風四繞。則行宮果災。疑獄初平。卽春霖早霽。以至白鹿一雙。獻於浙地。紫芝千本。貢自荊州。又且雲氣降於圻壇。綏桃來於御幄。比之建章宮中。芝房露掌。玉津園裏。幡節樓臺。以今準古。史不勝書。宜世宗之甘心於此也。雖其後段朝用下獄被戮。胡大順藍田玉等。以次伏誅。不過少翁牛腹致疑。新平玉杯得譴耳。而仲文死後。更訪異人。羈縻弗絕。一至此乎。更可駭者。世宗清虛學道。不御萬幾。奸嵩擅權。二十餘載。二世居深宮。而趙高柄國。徽宗稱道君。而蔡京專政。陰行蠱惑。吾無責焉。至於周瑋鄭一鵬等。諫之於前。楊爵海瑞等。爭之於後。而永嘉再相同游。撰詩貴溪典禮。充壇監醮。豈王旦附會祥符。寇準依阿乾佑。爲國大臣。洪涇宜爾耶。然而世宗初御。括燬佛金。燒除佛骨。海內喁喁。想聞聖學。而乃於佛則纏於道。則崇崔伯深。不事胡神。更奉天師。孔祭酒。詆訶佛法。心存道黨。較長絜短。卽二氏何擇也。究之金石燥烈。鼎

湖既○有○龍○升○王○陶○論○死○雲○中○不○乏○鷄○犬○語○云○服○食○求○神○仙○多○為○藥○所○誤○又○云○君○以○此○始○必○以○此○終○吁○可○慨○也○夫○

誅岑猛

田州○為○粵○西南○徼○蠻○荒瘴○裔○不○足○重○輕○後○失○安○南○議○者○稍○視○田○州○為○南○海○外○屏○欲○寄○重○焉○岑○氏○世○守○田○州○自○弘○治○六○年○岑○猛○父○膏○逆○鑽○身○逼○強○鄰○閒○關○奔○走○存○加○選○衛○朝○廷○視○猛○恩○至○渥○也○至○十○八○年○岑○濬○始○懸○首○藥○街○正○德○中○岑○猛○始○克○復○舊○業○黎○子○式○微○重○耳○河○水○猛○身○扞○天○朝○不○忘○舊○德○分○固○應○耳○而○乃○晉○惠○入○絳○還○絕○秦○關○衛○燬○廬○漕○坐○觀○齊○亂○猛○之○軍○騎○棄○軍○仰○藥○逆○旅○天○亡○之○矣○然○猛○桀○鷲○性○成○反○形○未○見○追○兵○四○集○猶○勅○下○勿○交○鋒○裂○帛○書○寃○上○狀○軍○門○亦○云○哀○已○而○雲○夢○陳○兵○決○收○韓○信○陳○平○奉○詔○竟○斬○舞○陽○姚○鑣○輕○於○討○賊○重○於○受○降○信○於○請○兵○疑○於○對○壘○猛○既○寃○死○不○白○鑣○亦○功○名○不○終○猛○負○國○恩○而○身○殛○鑣○貪○軍○功○而○官○奪○天○道○好○還○適○相○當○也○至○盧○蘇○王○受○之○反○粵○本○姚○鑣○失○又○似○由○新○建○蓋○新○建○憐○田○恩○厭○苦○兵○革○曲○撫○盧○王○立○岑○氏○之○後○設○田○州○之○官○陰○假○戰○功○陽○竊○蘇○受○而○所○舉○張○佑○貪○賄○比○匪○種○禍○岑○族○張○佑○既○隕○邦○相○之○毒○邦○相○旋○膏○蘇○受○之○戈○沈○王○搆○惡○義○真○必○棄○關○中○鍾○鄧○相○傾○姜○維○幾○反○蜀○道○新○建○寄○託○不○終○識○者○微○有○憾○焉○而○繼○佑○來○督○者○陶○諧○也○邦○相○賊○殺○鎮○臣○朝○廷○寢○而○不○問○蘇○受○執○殺○州○主○大○臣○陽○言○病○亡○夫○天○南○未○郡○不○知○天○子○寵○靈○式○憑○皆○懸○督○府○張○佑○索○裘○不○與○拘○執○唐○侯○陶○諧○寶○賂○亟○行○遂○黨○莠○僕○處○置○舛○錯○刑○賞○乖○張○貽○笑○蠻○方○損○傷○國○體○君○子○知○明○綱○不○振○先○在○滄○夷○矣○要○之○姚○鑣○之○非○在

於捕反太急。而貽謀者。索賄之盛。應期陶諧之罪。在於有賊不討。而貽謀者。亦索賄之張佑。官邪賄章。邊釁日急。故皇甫安邊奏免墨吏。奉仙載寶。僕固稱兵。好利亡國。好色亡身。古今龜鑒。蓋不誣矣。

嚴嵩用事

嚴嵩相世宗。入於嘉靖二十年八月。去位於嘉靖四十一年五月。盤踞要津。盜竊寵靈。凡二十餘歲。比之林甫。相玄寵任十九載。元載輔代。驕佚十餘年。嵩且過其歷矣。考嵩以茸闖庸材。贖貨嗜利。帝號英睿。竟稱魚水。嵩遵何道哉。或者謂其議禮贊玄。曲當上旨。然議禮創自張桂。嵩晚拾唾餘。不足要結主歡。惟佑贊玄功。帝心感嵩。夫加爵賜醕。封禪。用以媚臣民。美酒明珠。天書。用以結朝貴。英主好怪之心。避謗之智。方交戰於中。而朱能造書。寇準召相。桓譚非讖。光武加誅。桂洲胎禍於香冠。分宜追思乎召鶴。批逆鱗者無全功。盜領珠者有巧術也。況嵩又真能事帝者。帝以剛嵩以柔。帝以驕嵩以謹。帝以英察嵩以樸。誠帝以獨斷。嵩以孤立。臧焚累累。嵩卽自服帝前。人言籍籍。嵩遂狼狽求歸。帝且謂嵩能附我。我自當憐嵩。方且謂嵩之曲。謹有如飛鳥。依人卽其好貨。不過駑馬戀棧。而諸臣攻之以無將。指之以煬竈。微特許嵩且似汚帝。帝怒不解。嵩寵日固矣。漢武嘗用公孫賀。田蚡。不能用董仲舒。汲黯。德宗甚喜盧杞。裴延齡。甚不喜陸贄。顏真卿。猜忌之主。喜用柔媚之臣。理有固然。無足怪者。嗟乎。嵩下有殺人之子。上事好殺之君。身之瀕死。固亦危矣。又從而固寵持位。鼓譟沫於焦釜。

饒殘膏於凶鋒。二十七年殺曾鉞。是年殺夏言。王十四年殺楊繼盛。三十六年殺沈鍊。三十七年殺于假。令嵩早以賄敗。角巾里門士林不齒已矣。乃至朝露之勢危於商鞅。燎原之形不殊董卓。非特嵩誤帝。帝實誤嵩。歐陽氏勸憶鈴山堂。鄒御史夢射培壘樓。霍山將誅門第自壞。申生訴帝。披髮見形。嵩父子至此甯有死所乎。夫羊舌之族將覆。叔向之母已知。獨惜世宗自負非常。而明殺輔臣。始於夏言。明殺諫官。始於繼盛。大理之獄。猶云母子之恩爲其太甚。夏楊之誅。乃以儉壬之相。甘爲戎首。萊朱貽戒於自用。仲尼致恨於鄙夫。其所由來也久矣。

沿海倭亂

島夷卉服。首見禹貢。秦漢以來。罕被倭患。蓋以其俗愛鮮華。地多饒沃。五洲七道三島五百七十三郡。率皆樂土。環以大海。君臣自保。不愛慕中國也。若乃海王充牣。居民仰食雲帆。所指有無。懋遷則又彼此咸賴。高帝時。士誠友定遺孽。竄伏北遼南粵。歲被創殘。已而通謀逆臣。伏兵市舶。帝乃閉關謝貢。示弗復通。然而創設市舶。互市不絕。計深遠也。後世識慮迂拘。放失舊典。初開橫海。旋棄珠崖。民競錐刀。吏鮮保障。秦關夜柝。楚吏長鞭。勇士蹈險。貪夫忘生。於是內地奸民。勾引潛身。海邦貴倖。藏匿不可勝計矣。貧民勢家。贖貨負直。窮夷困頓。進退次且。逃生水國。求食波臣。邊吏戒心。搜捕始急。於是沿海不逞之徒。陳涉力耕。怨家日衆。黃巢下第。憤志思

兵稍稍收聚倭裔。窺竊上國矣。朱統下車。不畏強禦。窮治黨與。少所報聞。夫廣漢索酷。先求魏相。李膺破柱。不避黃門。政求亂本。雖得河源。禍發朝堂。意悲虎尾。統死而朝貢與海通交相賀也。代臣畏禍。海禁復弛。浙東再亂。王杼出督。拔大猷於偏裨。出盧鏜於獄中。普陀一戰。幾殲渠帥。游魂四潰。旋掠江南。而杼隨處邀擊。頗多斬獲。括乃代頗。騎還易毅。大功不終。自古悲歎。此閩外有遙制之憂。中樞失內贊之力也。嗣是天寵握兵。乃棘門之兒戲。文華祀海。實天雄之誦經。倭患愈劇。張經再出。經以功在銅柱。因而偃蹇。凌轢度亦自大匹夫耳。然視事一月。指揮羣帥。王江涇之捷。賊兵宵遁。史稱其兵驕將悍。或亦讒人之蜚語。獄吏之深文也。文華行譖。檻車入國。蓋左豐求賂。盧植徵還。張讓交通。王允下獄。自古未有小人同事而得專制成功者。胡宗憲曲意主撫。因剿成功。賄斬徐海。誘擒汪直。武安誘殺李廣。誅降長。致恨於封侯。空悲冤於賜劍。憲雖引刃。應無顏見二賊於地下也。憲才望頗隆。氣節小貶。側身嚴趙。卯翼成功。耿炳因竇。憲勒勳。杜預事朝。貴甚謹。封疆之吏。固應折節。乃爾耶。倭寇披猖。禍延三省。任環效命。留都俞大猷經營兩浙。戚繼光驅馳閩海。類皆大國干城。足以滅此朝食。而乃大戮亟行。更張不一。事權牽制。流毒生民。九關無金城之任。分宜少裴度之忠。羣賢隕喪。國事陵夷。固其宜也。中丞張濂。家居省會。身與圍城。訟言時事。涕淚交頤。視其疏中。所稱殘難民之首。以償縱寇之功。而督撫可知。移罰罪之典。為賞功之命。而筭樞可知。軍法不重。人無死志。客兵掉臂。士無鬪心。而卒伍可知。嗚呼。鄭

監陳圖莫救當時之充耳。然而睢陽劍在。已成今日之爰書矣。

大同叛卒

大同南蔽太原。西阻榆林。東連上谷。蓋屹然重鎮矣。更得一二賢明。將吏分甘。絕少嘆咻。士卒號令嚴明。勇氣百倍。則李牧守郡。匹馬不窺。郅都在邊。幕廷遠徙。斯蓋外攘之重寄。甯有內潰之猝患哉。乃嘉靖三年。巡撫張文錦議以去城百里。增築五堡。堡各列戍。徙卒實之。籬籬固而後。明堂尊。屏障列而後。天府重。文錦之策。未爲謬也。但當出車以遣新軍。采薇以勞遺戍。拊循有素。踐更有法。信而後勞。誰敢違者。奈何澤門興役。鞭篋賈怨。秦法送徒。後期皆斬。而郭鑑柳忠一呼倡亂。文錦賸裂尸並亡。嗟乎。楊炎建城而涇原兵叛。弘靖尅糧而盧龍軍反。事勢相激。無足怪者。此時便當擇智勇之臣。秉節鉞之重。或恩義久敷。或雅量素蓄。罄罪渠魁。撫輯餘醜。收元振之黨。以戮叛人。燒王郎之書。以安反側。則戍卒雖譁。可一鼓而定也。無如下多獷悍。叛服不常。上鮮方略。剿撫均失。以故鑑忠授首。郭庖復起。氈兒旣斃。季富又興。脫巾相尋。勢如蝟毛。此固不可以剿也。又若泣訴天佑。更焚王振。縛獻胡雄。旋殺李瑾。磨牙相向。狀同瘦狗。此又不可以撫也。逮至劉源清斬關大殺。李文芝決水灌城。而後獸思走險。鹿不擇音。非馬穎厚結元海。卽懷恩外誘吐蕃。許西河以賂秦師。指金帛以酬回紇。邊關重險。幾於拱而授之矣。所幸樊繼祖單騎直入。張瓚磨退王師。發粟賑饑。鼓吹高宴。亂卒憂危。自茲釋矣。

譬之子儀入河中。而一府無譁。秀寶入軍門。而衆皆解甲。無他。開誠布公。推以赤心而已。然則亂延十祀。變凡七起者。非真豺豕性成。威惠兩結也。特以上下相蒙。弓影之疑。蓄於中。恩信不著。投杼之說。動於外也。所可恨者。劉源清之主剿也。王憲和之於內。張孚敬持之於上。而繼祖疏入不報。便宜濟事。卒之焚獲璽書。劉繫廷尉。奸臣在內。大將立功。賴肅帝之心開爾。

議復河套

邊備所爭者。二地勢坦衍。敵騎四入。列守不足。追哨難及。蘇子所謂大梁四戰之衝。汪立信所謂長江隨處可入是也。地或險阨。山谷林薄。寒曉不耕。沙鹵乏水。耿弇弟言五溪水險。縋糧而食。馬文升言西域道旱。因雪爲泉是也。若河套三面憑河。荷戈守禦。險踰長城。地又肥饒。耕桑自給。然則河套屯守。歲省租稅數十萬。障塞之卒亦十餘萬。東距偏頭。西抵寧夏。二千里中。晝乏旌旗。夜罕鼓柝矣。周城朔方。漢開河西。有自來也。邊備久虛。縱敵深入。畜牧既久。樂不思去。伏蒿之雉。不復畏鷹。窟穴之鼠。不復畏貓。而邊將又坐視養癰。莫敢深入。憲宗時。楊瑒請建一十三城堡。七十四墩臺。李文達又以中筦力贊。乃三帥授劍。或輿疾徵還。或遷延不出。惟王越深入紅鹽池。焚其廬帳。劫其器甲。賊喪失妻孥。相顧慟哭。而大師不繼。虎牢一關。卒爲楚有。河西數郡。折爲秦城。武宗時。楊一清又請力圖受降。旋以璫瑾去位。夫仁愿且爭險於黃河之外。而縛受降。後人斂兵於河套之

內僅守延綏。開門延寇。角勝堂奧。三方被敵。秦晉騷然。世宗之世。延安涇陽。皆供蹂躪矣。曾銑毅行。願以數萬之衆。持五十日之糧。水陸星馳。矢礮電發。燔燒積聚。驅掠馬牛。往來出沒。歲無盜暑。食道既窮。項王不欲踐鴻溝之約。將士思歸。關羽不能救荊州之潰。世宗屢降璽書。特頒文綺。展圖嘉歎。刻期廓清。而夏言又力主銑議。樞臣俱先後奏行。辟之充國。既有孝宣復煩。魏相魏尚已逢文帝。更遇馮唐。君臣將相。千載一時。而乃急殺大臣。以當星變。先誅渠帥。以謝兵端。道濟誅而長城自壞。得臣死而晉壽已亡。予所怪者。反禍爲福。難於轉石化。成爲敗疾。又轉圖九重。廟算倏智。倏愚。幕府平章。忽功忽罪。匣中之劍。竟斬曹彬。拜將之壇。并收相國。世宗之英察何如也。

庚戌之變

明制內立京營。外列三戍。邊卒屯守要害。蕃衛神京。京營羽翼王室。鎮撫中夏。有事不相徵調。無事不忘講習。制甚周也。嘉靖時。坐營大帥。半出勳臣。敖以耳貴。括讀書。兼以勃鞞制閫。魚朝觀軍。戎五貔貅。入侯門之廐。養羽林組練。參中貴之蒼頭。游手市閤。不操寸刃。廁身兵籍。濫食數丁。於是京營一制。幾同贅瘤矣。庚戌之事。主邊兵者仇鸞。主京兵者丁汝襲也。逆鸞私盟俺荅。賄賂避兵。鄭牛私犒。用伐秦謀。晉馬入陳。故假虞道。韋弦苟息。果如是乎。汝襲選懦。素不知兵。驟聞邊警。悉遣禁卒。倉皇就道。莫知適從。而敵騎已蹂躪內地。王師外潰。

於潼關烽火內達於甘泉矣。然後索虎帳於空營。求兵仗於武庫。楚軍不戰。皆化蟲沙。晉國先聲。愈搖風鶴。傳檄召募。命曰義軍。編列市人。驅之城堡。京營至此。尙可問乎。至於邊軍雲集。九門敵騎長驅。都下便當四面合擊。隻輪不反。而乃懷光便橋屯兵不進。宏淵靈壁搖扇清涼。楚兵皆屬冠軍。邯鄲全恃晉鄙。長戟不施。長鑕不刺。邊軍亦復至此。國家武備真無可恃矣。乃始親御午門。召問百官。時無樊噲。僅有終生。急散陳平之金。親叩亞夫之壘。宋義堅不渡河。魏將虛名救趙。惟有亟斬丁公。先除元振。奈何守謙無兵。而使戰仇鸞。不戰而陳。俘賞加元惡。戮出無名。當時俺答實無志中國。縱掠而歸。不然。幸則奉天梁州。變且晉怒。宋欽矣。前車既覆。後軫方適。汝襲出京兵以防邊。仇鸞召邊卒以實京揚水之卒。圻父以卒召。當誅涇陽之兵。德宗又以未雨失算。殛罪酬功。國是全非。焦頭曲突。人謀兩誤。嗟乎。已無澶淵之智。尙思衛霍之功。上表出師。鸞欲誰欺乎。百官明知其詐。謬爲陳請。以逭上譴。蓋世宗所惡者直言。而不必其忠。所喜者殺戮。而不必其當。朝有直言。則損其明朝。有殺戮。則損其武。究之。嵩本賄敗。當禡鸞已家居失職。必欲強予將相之位。成其亂賊之名。身誅族滅。爲世指笑。吾故曰。嚴嵩仇鸞亦無死道。其死也。世宗殺之也。

江陵柄政

聞之虞書。良弼。義取協恭。秦誓。个臣都無他技。蓋下吏奉職。乃在才具。而端揆裁物。則在度量。卿貳奔奏。不越

章程而宰相坐論必資道術也。矧承平之相與創制異。沖人之相與長君異。周公以博考成王。奇以才偏。貶公著。凡以養蒙作聖。不專在於宣之綜核。明之察察耳。世稱張居正相業。譽者多許其幹略。毀者過其專恣。然予以皆非事實。真知居正者也。考居正大節。特王霸雜施。才智恃之徒耳。而其他緣飾以儒術。眩曜以智數。譬之黃子艾牆高基下。陽處艾華而不實。求其論思密勿之地。表帥百寮之閤。此實難矣。方夫穆宗憑几。顯帝沖齡。居正拱儀。同受顧命。而內臣馮保竊叢於側。斯時逐刁之議未行。弔讓之謀潛固。竇交附。璫漏言市。重彼商鞅之因。景監相如之藉。繆賢揆之結。主固如是乎。卒之會極傳宣。新鄭被斥。而馮保以快己之怨者。卽以酬次輔之恩。居正以去保之疾者。還以固綸扉之寵。鸞權夸毗。若互市然。及乎德裕去官。頤浩外徙。始乃宮府交通。更唱迭和。馮倚執政。則言路無憂。張恃中涓。卽主恩罔替。以故扇殿清暑。鋪氈禦寒。居正所蒙。壹皆媚璫之力也。至於犯蹕具獄。詞連拱儀。謀發宰臣。風生內侍。苟非天變。見於上。公議格於下。則上官黠詐。立碎奉車。易之飛文。赤誅魏氏。居正之挾持機械。傾危同列。抑何所見之褊隘也。若夫父喪奪情。太阿不釋。李幼孜倡之於外。馮保應之於內。而居正貌乞持服。心冀慰留。無魯伯禽之東郊不啟。蹈翟方進之脫衰視事。語云。求忠於孝。又云。移孝作忠。居正夫獨非人情乎。何相倍之甚也。矧乃三月歸葬。六月還朝。宰我之意。惟在短喪。曹瞞之心。恐失兵柄。而且吳中行。趙用賢。俱以星變陳言。艾穆。沈思孝。鄒元標。各以忘親入告。乃復橫被鎖鍊。咸加

杖戍又且論死劉臺。痲斃士期錫爵以刎頸驚奔。張滿以拊膺被斥。雖王巨君子芟除忤悵。梁將軍之收拷太史作福作威。不是過也。又况懋修敬修。非列魏科。則躋清秩。是豈向歆之學。冠於漢廷。抑亦京攸之派。相援宋室乎。蓋至身死踰年。遼妃訴闕。而東園祕器甫賜泉門。緹騎金吾旋圍府第。固漢元虧師傅之恩。亦田蚡貽滅族之釁也。乃論者以居正之爲相也。進四書經解。而聖學修明。進皇陵碑。帝鑑圖。而治具克舉。請詞林入直。而清讌無荒。請宮費裁省。而國用以裕。任曾省吾。劉顯。而都蠻悉平。用李成梁。戚繼光。而邊陲坐拓。厥罪雖彰。功亦不泯焉。然予以居正救時似姚崇。福礪則似趙普。專政似霍光。剛鷲則類安石。假今天假之年。長轡獲聘。則吏道雜而多端。治術疵而不醇。斯豈貞觀之房杜。而元祐之司馬乎。

援朝鮮

關白本薩摩州人。倭郡之稍黯者耳。非有奇才異能。武勇絕藝。特以李昞縱酒。朝鮮備弛。遂狡焉啟疆。思有吞噬之舉。方其陷王京。劫世子。剽府庫。毀墳墓。八道盡沒。進窺鴨綠。勢岌岌矣。而請援之使。絡繹於路。救邢救衛。春秋之義也。況乎勢拱神京。地牽關海。薊遼之外藩。東江之咽喉。一或失守。重險撤焉。非如應龍之反播州。獯之陷西川。荒徼弄兵。有傷國體而已。然予以援之之法。有三。命武健之將。選精銳之師。出其不意。急擊勿失。如陳湯甘延壽之於康居。策之上也。其或困糧於敵。分兵斷道。坐而困之。窮感自斃。如趙充國之於金城。策之

次也。又或始則震以兵威，繼則結以恩義，開誠布信，堅明約束。如諸葛武侯之於孟獲，策之又次也。乃割旣不足，以樹威，而撫又不能以著信。臨事周張，首尾不決，不可謂非行間之乏謀，而中樞之失算矣。方李如松平壤大捷，李如柏進拓開城四道，復平三倭生熟，廓清之功，可旦夕俟，而乃碧蹄輕進，兵氣破傷，功虧一簣，良足悼也。又若麻貴尉山之捷，三協度師，勢相犄角，砍柵拔寨，鋒銳莫當，而割級之命，解散軍威，兪都之肉，豈足食乎。况於沈維敬以市井而銜皇命，李宗城以淫貪而充正使，以至風月候節之給，靈觴好會之詐，邢玠飛捷之書，楊鏞冒功之舉，罔上行私，損威失重，煌煌天朝，舉動如此，毋怪荒裔之不賓也。向非關白貫惡病亡，諸倭揚帆解散，則七年之間，喪師十餘萬，糜金數千鎰，善後之策，茫無津涯，律之國憲，其何以辭，而乃貪天之功，倖邀爵賞，衣耕橫玉，任子贈官，不亦愿乎。乃馬棟丁應泰之疏，能直伸於關白未死之前，而李堯民之章，反見抵於關白已死之後者，蓋以用兵之初，神宗怒白甚銳，怒則望其速濟，故必欲核其真，用兵之久，神宗憂白漸深，憂則幸其成功，故不欲明其僞。卒之忠言者落職，欺君者封爵，而所遭逢異矣。

提督浙江學政僉事豐潤谷應泰論正

平哮拜

哮拜以嘉靖中亡抵朔方。屢立戰功。萬厯中備位副將。其子承恩襲爵。乃拜雖請老。而多蓄蒼頭軍。聲言報國。蓋不無異志焉。方其鑿鑿請纓。挾其子從三千人而西也。勇亦觀諸鎮之虛實。結套部爲腹心。潛伏陰謀。待時而動。豈真有廉頗之壯志。文淵之據鞍哉。乃以不給壯馬。侵尅月糧。爲黨馨罪。此特哮拜之權譎。借爲兵端者耳。以故劉東陽之變。則拜嗾之。哮雲文秀之怨。則拜陰中之揣拜之意。不過恃套爲長城。緩則倚之爲外援。急則引之爲內助。夫是以立於有勝而無敗。敢於倡亂而輕於爲叛逆也。若然則善勦者不當勦拜。而當勦套。不在挫套拜之鋒銳。而在隔套拜之聲援。套絕則拜者孤雛腐鼠。取之如寄者耳。想其初拜套聲言聯爲一家。卽可驗其情狀。而東陽之恐喝。則曰與套馳潼關。著力免之。入寇則曰畀以花馬池。克力蓋之。求援則能致遠莊。克賴如是。卽拜之恃套相倚爲命者也。善乎葉夢熊爲帥。而五路分兵扼守甯夏。拜不得出城。套不敢渡河。而哮拜之計窮感極矣。迨至打正驚奔。賀蘭遠遁。拜雖游魂可坐而縛也。尤有幸者。文秀見殺於東陽。東陽蒙誅於國柱。許朝順命於承恩。始則虎狼之殘物。以類聚繼而昆蟲之嚙。還相爲攻。倘所謂天道是耶。非耶。比神宗

受賀承恩。俘馘雖師。武諸臣協謀有力。而葉夢熊聲稱討賊。自辦糗糧。梅國楨仗劍從軍。力保李氏。蕭如薰之妻楊氏。督理犒軍。羣婦墨守。則尤罕學者也。

平楊應龍

楊應龍播州土司官也。其地屬漢牂牁郡。唐乾符中。楊端應募長子孫焉。歷宋元皆授世官。明室因之。應龍生而雄猜。尤阻兵嗜殺。然其賓叛不一。荒忽無常。亦土司之風類然也。應龍之初。從征喇麻。進貢大木。亦嘗效忠順。應資資矣。乃以雙小妻田雌鳳。虐妻張氏之家。而何恩宋世臣。連章告變。黃牛白泥諸司。久爲仇讎。於凡七姓諸豪。咸喜龍之得罪。不欲其就徵對簿。而五司遺種。九股頑苗。及輕剽好作亂之徒。又鼓動其間。同惡相濟。龍雖狼子野心。亦所謂生長蠻鄉。無與爲善者也。所幸援兵大集。調度多方。督臣李化龍。發縱之才。總戎劉綎。軍功之冠。於時八路分兵。四月告捷。卒之應龍戮尸。朝棟棄市。威震遐方。功業爛然。然而重慶之會。登壇誓師。海門之圍。剋期並到。兵法曰。兵貴有謀。又曰。以多算勝。固先定其規模。非漫嘗於一擊也。若應龍者。倔强偏陲。不知漢大宗祠蕩滅。取世戮笑。尤足爲憑險負固者戒。悲夫。

礦稅之弊

聞之銀鑲金品。列之禹貢。升人璣貝。載在周禮。國之常經。非可以無藝征之也。況王者藏富於閭閻。天子不下

求金車。良以多慾者。仁義難施。黷貨者。亂源斯伏。有天下者。不可以不致謹也。神宗奕葉昇平。邊圉封貢。海內
父安。家人給足。而乃苞桑之憂。不繫於慮。日中之昃。弗虞於懷。遠賢士大夫。親宦官宮妾。女謁苞苴。陰性吝嗇。
孽孽所談。利之所萌。耳逮至萬曆二十四年。張位主謀。仲春建築。而礦稅始起。於是命張忠往山西。曹金往兩
浙。趙欽往陝西。陳增駐山東。高竊領福建。楊榮辦雲南。巨乘雲駐四川。李敬攝廣東。郝隆劉朝用采池州。陳奉
領湖廣。魯坤開彰德衛輝。大璫雜出。諸道紛然。而民生其間。富者編爲礦頭。貧者驅之墾采。繹騷凋敝。若草菅
然。又不特此也。礦務之外。天津有店租。廣州有珠權。兩淮有餘鹽。京口有供用。浙江有市舶。成都有鹽茶。重慶
有名木。湖口長江有船稅。荊州有店稅。又有門攤商稅。油布雜稅。莫不設璫分職。橫肆誅求。有司得罪。立陷檻
車。百姓率行若驅駝馬。雖漢室牢盆。桑孔乘傳。熙豐手實。雞豚悉空。曾未若斯之酷也。至乃國法恣睢。人懷痛
憤。反爾之誠。覆舟之禍。亦聞有之。以故高淮激變遼東。梁永激變陝西。陳奉激變江夏。李鳳激變新會。孫隆激
變蘇州。楊榮激變雲南。劉成激變常鎮。潘相激變江西。當斯時也。瓦解土崩。民流政散。其不亡者幸耳。而深宮
不省。疏入留中。其始因礦稅而設璫者。繼則璫獎而託命在礦稅。其始因璫媚而迎合在礦稅者。繼則璫肥而
交結在宮闈。植根深固。未易卒拔。故也。善乎侍郎馮琦之疏曰。皇上之心。但欲裕國。不欲病民。羣小之心。必自
瘠民。方能肥己。逮至三十三年。而稅歸有司。礦使停罷。輪臺之悔。不亦晚乎。然且兩載以還。稅監不革。七年之

後珠池復開。比之衛武飲酒之悔。秦穆臨河之誓。抑何習與性成也。

爭國本

光宗本恭妃所產。神皇之元子也。恭妃無寵。擅者鄭貴妃耳。乃自萬曆十四年。輔臣申時行以建儲爲請。至二十九年。而儲位始定。自古父子之間。未有受命若斯之難也。語云。貴夫人愛孺子。又云。母愛者子抱。其時枯苑之勢。旣形。金珙之寒。斯劇。羽翼孝惠者少。樹功舒王者多。而青宮一席。尙忍言哉。乃首以爭國本。獲譴者。禮垣羅大紘。中書黃正賓也。又給事李獻可。尙書李長春輩。或杖或戍。一鳴輒斥。甚至九臣面詰政府。十四官同時降削。而神宗動加激擻之名。冀箝天下之口。不特不欲建儲也。因儲禮之不舉。而婚冠愆期。曠不豫教。其後乃令三王并封。又欲二王并講。女戎伏妖。蓋若是其發乎。夫易稱長子主器。記美一人元良。重光重潤。自古榮之。而神宗乃以正天倫之語。爲不入耳之言。深相怨毒。酷罰示威。則有物以蔽之也。究之前星之耀。漸朗。摘瓜之謀。不行。論者以諸臣靜聽。則番且觀成。予則以諸臣力爭。故久而克定也。方鄭妃盛年。神宗固嘗許以立愛矣。而言者紛紜。格不得發。始則謹諍。臣以快宮闈。終亦未必不援朝論。以謝嬖倖。始則欲以神器之重。酬晏私之愛。究亦不能以房闈之暱。廢天下之公。如是則王家屏之封。還御批。李騰芳之上書執政。斷當以口舌爭之者。也已。而妖書反間。詛咒橫行。緹校勾攝。紛然四出。與漢治巫蠱何異。嗚呼。王之禎。猶江二也。四明猶公孫賀也。

卽不株累東宮。而含沙射人。甯有幸乎。幸生光誣服。得弛羅織。設事更蔓。延魚網之設。鴻則離之。荆人士甯得安枕臥耶。比太子旣建。而禁不出閣者。又十二年。至史孟麟請冊皇太孫。猶加降謫焉。知神宗怒未怠已。

三案

光宗方諒閣鞠凶。哀勞毀瘁。而宮中巧相蠱惑。更進女尤。於是罷免常朝。軟脚致疾。一月之內。玉几再憑。梓宮兩哭。嗚呼。斯亦皇家之不幸也。考其時提督御藥房橫加攻泄者。內侍崔文昇也。洎乎疾漸彌留。氣息纒屬。而玉椀初調。金甌不御者。李可灼也。然而光宗之疾。無文昇或猶可以倖生。而卻可灼亦難免於必死者。蓋文昇之調護在初。而可灼之援救已劇也。善乎吳姓之言曰。文昇故投泄藥。可灼誤進紅丸。故以藥之補泄相較。則大黃之剋過於紅鉛。而以事之早晚相衡。則文昇之辜浮於可灼。此時爲政府者。宜援憲宗柳泌之事。純皇李致省之獄。論坐文昇。薄譴可灼。伸嗣主之叫號。慰域中之哀痛。則其法平矣。而奈何文昇保全。可灼蒙賚。掩罪爲功。一至此乎。夫庸醫殺人。律應永錮。拙工誤治。俗奮老拳。何嘗疑其別有主使。內叢酖毒。而情有所激。法不得貸。獨奈何宮車晚出。銀幣早膺。崇德報功。義於何有。執筆者不學無術。甚愚鮮量矣。宜諸臣之起而攻之也。夫諸臣以攀髯之忠。矢批鱗之奏。小雅傷時。幾於誹怨。嬰兒哭母。失其常聲。過於驢激。無足怪者。至若以文昇可灼之不愼。而卽比之王莽之椒酒。梁冀之煮餅。則深文周内。不無傷於好盡矣。語云。吾黨兩分其過可也。

平奢安

天啟中奢崇明以獯獯種據重慶。安邦彥以水西酋反貴州。蓋苗俗叛服不常。乃其天性。而兩家者。又倚爲唇齒。時通姻媼。所謂同功一體之人也。乃謀亂之初。則奢先而安繼。窮迫之日。則奢敗而安亡。覆轍相尋。合若符節。小醜墜宗。於人何尤焉。以予觀奢崇明陰鷲有謀。其子寅招納亡命。一舉而全蜀震動。剽銳莫當。宜非邦彥所敢望也。然而邦彥之師。尙堪持久。而崇明之衆。旋即挫衄。又往往降於水西。投於安部者。則以安之地大。而力盛也。奢酋竊發。止蜀道一隅。而安酋轉戰。西通巴楚。南壓滇黔。又合烏霽安南諸部落。綿互長驅。搖動數省。此之不戢。真江楚之深憂也。以故恢蕩之功。亦以平安爲首。平奢次之。平奢者。秦良玉之夜襲兩河。杜文煥之佛圖奪壘。盧元卿之紅崖積仗。其功不可泯也。平安者。王三善之奮斬十萬。秦衍祚侯良桂之夜拔三塞。張雲鵬之八路進兵。許成名之三方深入。其功更不可泯也。乃崇明邦彥同時陣殲。奢寅淫橫。內自相圖。既平五洞。叛瑤。又開清平四衛。新設亭障。增置游徼者。凡一千六百餘里。雖漢之樓船十道。西通冉駝。其盛不能及也。然其時發縱指示。出奇無窮。多出於督臣朱燮元之方略。論者以固守成都。蕩滅靈妖。招降安位。爲燮元功。不世出。而不知善後撫綏。分裂其地。使南人不復反者。皆燮元之長算也。善乎燮元之疏曰。今分水西之壤。授諸渠長。及有功漢臣。咸俾世守。蓋地大者。跋扈之資。而勢弱者。保世之策也。昔主父偃令宗室得分王子弟。而藩服

益削則知衆建土司而少其力者其真馭遠之良規與。

平徐鴻儒 附王好賢 于弘志

慨自周之成康刑措不用漢之文景斷獄四百海內乂安何其盛也其他致治之主非有外患則有內憂若夫火坑之寇旋卽艾除飛燕之兵逾時解散此亂之小者也然而疥癬致患蠱蠱有毒兩葉不去斧柯是尋有國者可不慎乎明室數傳中外多盜憲武世謀反者數起雖常命張敞於京兆遣虞詡於朝歌而沸釜游魚相隨斬馘然弄兵者疇非赤子蠹食者皆吾腹心止渴而進鳩酒救疾而吞烏喙萑苻屢殄明祚不得長矣比及熹宗東省又起鄆人徐鴻儒倡亂號白蓮教應之者深州王好賢號聞香教景州于弘志號棒筆會艾山劉永明號安民王而其餘四大金剛二十八宿莫不三方並起剋日興師猶之焚崇鼓亂而下江新市互有聲援張角煽妖而小方大方各推渠帥雖賊徒之故智亦奔命之深憂也然聞之孽不自生釁由人作者其時闒瑯擅政必外吏橋虔苞直在官必朘削在下俗敝則輕於爲非民貧則去而爲盜固然其無足怪者而論又云蓮社以梵教而惑妖狐以吹火而興經營廿年盜亦有道豈足盡信哉乃若魯藩捐貲保城趙彥盡力擒捕而廖棟破之於武安楊國棟殲之於鉅鹿夏鎮告捷運艘復通滕縣旣恢鴻儒遂磔彼諸臣者雖非龔遂之平渤海亂絲徐理抑亦廣漢之治三輔枹鼓不鳴矣然而并蜂不懲亂令亟行黃巾旣叛仍行鈎黨之誅河朔初平更遺括

田之使。從此鴻飛滿野。萑楚無家。政散民流。積薪蘊火。人以爲潢池雲擾。禍烈於懷宗。予以爲東陵伏莽。釁叢於熹廟也。後三年而餘孽聚泗州。又七年而李自成起米脂。明竟以亡。悲夫。

魏忠賢亂政

魏忠賢者。河間惡少。蕭甯醜類。擄蒲坐困。腐身自媒。斯亦以刀鋸之兇殘。冀鼎俎之拾藩者也。遂乃潛事皇孫。惟供刀匕。玄宗藩邸。力士心傾。肅帝東宮。輔國稱職。攀鱗附翼。有自來爾。乃熹宗之初御。忠賢輒伺嘖笑。欲攬太阿而乳媪客氏。又以妖倖毀政之姿。爲洽比對食之舉。於是勢同羶附。情昵燕私。王聖寵而京閨煽孽。趙嬖尊而甫節媾禍。女子小人。朋淫於國矣。乃王安者。名在閹餘。職邀顧命。郭耽清謹。不事威權。呂強剛直。終陷刑戮。蓋自安死而忠賢愈肆。滔天益無顧忌。調奉者登進。忤恨者誅傷。此左棺有回天之名。令致有阿父之號也。乃若釁開宗社。毒流搢紳。誣織封疆。飛文宮禁。威明豈貨。羣羌乃輸。左校張儉。詎危社稷。更煩北寺耶。洎乎文。言冤獄徧染流。清楊漣左光斗等。並繫銀鑄。魏大中周順昌等。同嬰桎梏。正如朱並所告二十四人。李膺所坐。六百餘士。雖夕陽亭下。震盪何辭。首陽山前。滂屍不愧。而田爾耕。三木橫加。許顯純。五毒備至。乳虎乍逢。盡驅。莫弘之血。蒼鷹所擊。皆含社伯之冤。是則拊脾之憤。原不馮生而破柱之風。猶能爲厲矣。倘非金閹告變。佩草倡怒。殺詔使於厠上。沈駕帖於河中。則懸金之募。沈命還多。瓜蔓之鈔。囊頭未已也。又若中外戚屬。濫賜褒封。

呈秀滄夫。具邀顯秩。五人同貴。首自單超。一子爲侯。咸尊馬惠。而伯榮出入宮掖。張朔貪橫野王。又有光。和太尉。承望內官。延光司空。徧徵親故。此所謂蹶馬番徒。倡子和汝者也。尤可異者。祠宇徧天下。俎豆及學宮。豈非荀勗乃祀安陽。學異荆公。敢配孔子。頌功德者。四十萬人。趨勢利者。鴻都門下也。至操兵禁讎。將衷甲於桃園。蓄孕閨房。欲繼牛於典午。又且遣王郡國。遠徙扶蘇。危后中宮。謀誅伏氏。取代之規。誠難掩覆矣。而況大行嘗憑几之日。多官邀橫拜之恩。弓裘不御。鬼蜮仍多。城社已摧。狐鼠猶據。所幸者。武陽色變。易與北軍。猶豫無成。而信邸英開。神明獨運。雲龍初入。方深斷杖之憂。江陵收璽。漸除徐傳之黨。迨至卓騰。燦京莽頭。傳宛而人心始快。國紀肅焉。嗚呼。自予考之神光二朝。廟議紛爭。玄黃溷淆。朋徒互揣。至此則鉤黨同文。得禍斯酷矣。然封誦事發。始知顧及之賢。蔡京自敗。益信元佑之正。身雖蕩滅。名義所從判爾。

崇禎治亂

嗚呼。自古未有端居深宮。旰食宵衣。不邇聲色。不殖貨利。而馴致敗亡。幾與暴君昏主同失而均貶者。則以化導鮮術。貪濁之風成於下。股肱乏材。孤立之形見於上。夫是以欲安而得危。圖治而得亂也。考之懷宗。以漢昭嗣服之年。膺唐堯繼兄之歷。手翦貂璫。人賡玉燭。咸五登三。將在是也。而無如神祖倦勤。王綱解紐。熹宗拱手。魁柄潛移。譬之漢遭靈帝。以還。周自赧王之後。斯真儒生流涕。而指陳聖哲。馳驚而不足矣。然而懷宗之圖治。

與其所以致亂揆之事實蓋亦各不相掩焉。方其大東罷役便殿停香。記注重珥筆之臣。寒暑御文華之講。進監司而問民疾苦。重宰執而尊禮賓師。以至素服論囚。蠲逋弭亂。罪已則輟減音樂。賑饑則屢發帑金。於凡愛民勤政。發奸摘伏。此則懷宗之圖治也。及其禦寇警則軍興費煩。志徵徭則閭閻告病。以至破資格而官方愈亂。禁苞苴而文網愈密。惡私交而下滋告訐。尚名實而吏多苛察。於凡舉措聽獎。貞邪淆混。此則懷宗之致亂也。然其時亦未嘗無深識之士。不二心之臣。強項批鱗。呼號入告。如弭亂有近功之慮。匡時多救過之憂。批龍鱗則制寶八策。攀殿檻則應詔一言。而究之賈生慟哭。無救矣。薪索靖銜悲。自然荆棘。無他。九關之虎豹。格於中間。而文具之積弊。澤不下究也。雖然。吾有疑焉。周藉舊基。天命未改。秦得中主。二世不亡。以懷宗之殫瘁。竭精勤求民瘼。英察類漢明。猜忌則優於唐德。綜覈近孝宣。偏聽則異於宋神。斯固治世足以奮烈。而亂世足以救亡者。獨奈何。皇輿掃跡。天祿隕墜。相報蓋若斯之酷耶。是豈炎精害氣。必難返於夷庚。抑亦榮公賄風。定欲摧其傾軫也。語云。始於宮鄰。成於金虎。懷宗之遇則然。而議者欲與暴君昏主同失。而均貶者。則皆吠聲之論矣。予無取焉。

修明歷法

古今改歷者無慮數十家。由黃帝訖秦。凡六改。由漢初訖漢末。凡五改。由曹魏訖隋。凡十三改。由唐訖周。凡十

六改由宋初訖宋末凡十八改由金熙宗訖元凡三改其間傑然名家者漢太初以鍾律唐大衍以善策元授時以暑景而暑景爲最密明太祖吳元年太史令劉基率其屬進戊申大統歷已而欽天監博士元統請以洪武甲子歲冬至爲歷元大約錫名雖殊立成罔異與授時都無增損良以才非守敬革故滋難也自時厥後議改正則有俞正己鄭善夫周濂周相諸人專官修治則有童軒樂護華湘諸人著書考定則有鄭世子載堉副使邢雲路諸人志切持籌事同築室言人人殊旋復報罷迄於萬歷西儒來賓繼暑迭至一時象緯歷算之說迥出尋常默與天會李之藻既推轂於定陵徐光啟復連茹於懷廟開局京圻允稱甚盛其法以二十四刻二分一分八十八秒六十四微爲平行歲實小餘而以均數加減之則爲定冬至由是太陽有平行實行而三百六十五度之盈縮因之太陰有自行次輪又次輪而朔望之遲疾因之交食有時差里差視差而食時之刻數分秒方位因之有所爲根數者猶授時氣應也引數者猶授時盈縮歷遲疾限也均數者猶授時加減差也黃道東行一分四十三秒餘者猶授時歲差一分五十秒也至如午中分黃赤之辨分至有贏縮之殊而隨動自動疾動遲動不同則交道之廣狹生焉闡微析幽思出象表雖使楊子譚玄洛下握算無以及此衆言淆亂迄未通頌適我高之辰詔司天西歷之布法象維新璣衡愈密豈非宏制尙闕於垂成而大典終歸於有待哉唐乎盛矣

宦侍誤國

嘗聞宦者四星在皇位之側。而腐身薰子。動相銜達。金貂左璫。口銜天憲者。所由來漸矣。然秦以趙高敗。漢唐以宦侍亡。太祖鑒之。凡內豎不令讀書。取備掖庭。給洒掃而已。及乎中葉。寵用刑餘。英憲武熹。亂者四世。比至懷宗。冲齡踐祚。睿謀天縱。手翦凶璫。雖李閔有伺安之功。曹騰參建桓之策。而卒之張達坐收。甘露無變。不動色而去。大奸斯已奇矣。然其初年。江南織造。即便撤還。塞北監軍。悉皆免罷。仍諭內臣受命。始出禁門。廷臣在官。勿交近侍。於時嘖笑不假。狐鼠無竊。宮中府中。肅清極矣。詎意渭水陳兵。甘泉舉火。而問錢穀則大僚不對。咨廟算則肉食寡謀。秦既無人。王真孤立。乃始參任貂璫。往來給使。勞軍轉餉。偵刺行間。蓋亦有所不得已也。自是之後。王坤等分監宣府大同。而張彝憲總理戶工。唐文征親督京營。高起潛監視錦甯。張其鑑盤驗收放。內外各司。必兼貂貴。緣邊諸鎮。復設中涓。語云。西頭勢重。南衙樞機。權過宰相。良不誣矣。其後高弘圖熊開元。次第投劾。倪元璐袁繼咸。先後上章。侯覽用事。而朱穆發疽。朝恩卽席。而魯公爭坐。國體既傷。宜士大夫之所鄙也。然而英主在御。太阿未落。非有王振土木之罪。汪直西廠之酷。劉瑾不軌之謀。魏忠賢閹奸之狀。而潛窺意旨。馴致敗亡者。無他。陽授以國柄者。猶摘龍之珠。而陰寄以耳目者。直竊叢之神也。總之懷宗怒在門戶。故必用甫節以伺鷹旁。而宗懷疑在蒙蔽。又必用弘石以發楊賈。卒之中常子弟。悉合黃巾。涼州驍郎。責輸賁賄。

而天下事不可爲矣。以予論之。崇禎初造人望太平。假令推誠置腹。則煬竈可除。任賢去邪。則羣小可渙。與其謂之於閹人孰若信之於正士。回天獨坐。固無事此曹也。獨奈何輔國就誅。元振更用。左愜既殺。張譔復然。肩臆之喻。乃爲識者所悼惜哉。

中原羣盜

天禍人國。延安盜起。揭竿響應。所在縱橫。亦猶樊崇弄兵於莒。而逢安徐宣引衆相附。韓拔陵聚黨於沃野。而二夏幽涼叛者。蠡起。此雖同惡相濟。實繁有徒。良亦鋌而走險。短於撫御也。方饑民王嘉胤之倡亂也。自成輩從之。而白水王二邊盜苗美等。往往合潰兵以應。假令汲黯發河內之粟。秀實定郭曖之軍。則解甲歸農。賣刀買犢。匪異人任也。奈何應變乖方。蔓延莫制。嘉胤擒斬之後。分顯道神活地草等爲三十六營。而混天星侵軼商維。過天星盤據汧隴。獨行狼屠毒漢。南蝎子塊焚掠河西。中原版圖。蹂躪盡矣。比之苞擊不翦。流爲臃腫。疥癬不治。結爲大疽。以至匠石輟斧而躊躇。扁鵲望色而卻走。嗟乎。豈不晚哉。乃羣盜之最可恨者。窮則乞降。勝卽狂逞。此則投誠彼卽負固。以故羅汝才之入巴蜀也。八部投戈。李自成之困崑函也。九軍歸命。及乎孫傳庭。整屋之戰。擒闖王以獻俘。劉良佐左良玉義門之戰。破賊兵二十餘萬。此何異李固之入荊州。度尙之臨艾縣。而乃摧陷雖多。廓清難奏者。則以分閫之事權不一。前門拒虎。而後門進狼。行間之款附非真。豺聲已成。而鷹

眼不化也。至於十五年之後，衰時中既滅，老回回并營，而弱者半降於官軍，强者悉隸於闐部，究至公私塗炭，宗社淪胥，論者咸謂自成之罪。上通於天，而予未嘗不歎息痛恨於羣盜也。譬猶蠹木焉，獻忠啄之，自成味之，實羣盜攢穴之譬，猶逐鹿焉，獻忠倚之，自成攫之，實羣盜聚蹠之。蓋自成者，鴟張之孽，而羣盜者，蟻附之妖，自成者，肘腋之憂，而羣盜者，腹心之疾矣。若夫懷宗滅膳，撤懸則奉天之德音也，常自裕合圍，獵獸則楊侃之奇策也，奈軍士曾無激勸，韜鈴絕不奉行，卒之周鼎既遷，厓堅不祀，豈罪己之詔聽者充耳，而決勝之條談者掛壁，與嗚呼秦祚之亡，關外俱爲賊藪，隋國之末，山東悉屬寇壤，懷宗志在蕩平，而禍同瓦解，以彼羣狐，溷蜂螿有毒也，悲夫。

鄭芝龍受撫

海上亡賴奸民，多相聚爲盜，自擅不討之日久矣。蓋以魚鹽蜃蛤，商舶往來，剽掠其間者，累千金，利則乘潮上下，不利則嘯聚島中，儼然以夜郎扶餘自大，東南邊徼，益騷然苦之矣。泉州人鄭芝龍，筦庫之子也，年未弱冠，爲海寇顏振泉所掠，振泉愛芝龍狀貌，因有寵，泉死，衆推爲魁，然而龍特饒智數，築黠喜持兩端，其他無絕殊者，方其侵暴外洋也，輸金於楊六，緩追於洪先春，黃巾未破於曹公，赤眉約降於光武，其持兩端者一也，及其受撫內地也，私鬪則勇於魁奇，公戰則怯於廷對，殺陳餘於泚水，縱匡術於石頭，其持兩端者二也，又若擁兵

閩越援立外藩。定策功高。闔門橫玉。而乃陰懷首鼠。百計沮軍。滹沱既未合兵。東吳豈能遽下。居人爲奇貨。以澶淵爲孤注。其持兩端者三也。又若關門既下。釋甲入臣。居第京師。招擻海上。曾無麟閣之功。但比塗炭之豕。隗囂侍子。而身反於外。延之在臺。而子更舉兵。其持兩端者四也。夫奉先之失。在於去就輕脫。故依建陽。則背建陽。依董卓。則背董卓。牢之之敗。在於天性反覆。故附道子。則反道子。附元顯。則反元顯。今芝龍以盜賊之雄。挾遨遊之志。而鷹眼不化。狼心已成。身在樊籠之中。志存江湖之上。一旦緩急。可得信乎。然予又怪崇禎之初。芝龍既撫銳。意行金織。皮丹珀。來自賈胡。明珠文犀。至皆兼兩。是以薦剡頻上。爵秩屢賜。坐論海王。奄有數郡。人但知元龜象齒。都自淮來。而不知寶玉大弓。原從魯竊。若能却盜泉之水。則不至奪君子之器矣。說在孔子之對康子也。

張獻忠之劄

昔者周書。越人愍不畏死。三輔縱橫。持斧而出。以至鄭荏荏。符之警。楚定僕區之法。草竊奸宄。自古患之矣。然未有自秦寇晉豫。由豫入楚蜀。轉掠江右。旋犯粵西。二十餘年之間。取肝益膽。流血成渠。里落蕭條。宗社顛覆。若張獻忠之甚者也。考獻忠與李自成。因飢煽亂。並起延安。孫恩甫叛。盧循卽興。仙芝既起。黃巢來附。同惡相濟。若連矢然。天禍人國。以有此孽耳。其時掩捕渠魁。賑卹餘黨。用張京兆之鳴鼓。兼汲長孺之發粟。平定安集。

一長吏事也。奈何燎原莫撲，滋蔓難圖。嘯聚爲羣，旁抄郡邑。楊大作而湖湘悉陷，黃巾起而山左不平。使天子有西顧之憂，蒼生有喋血之患者，揆厥亂源，誰執其咎哉！然而獻忠無他技巧，止以陰謀多智，暴豪嗜殺，可乘之弊，正自不少耳。夫賊師屢挫，其弱可擒；賊勢方張，其驕可掩；賊黨內携，其衅可間也。假令左良玉、太平之捷，精銳俱盡，得功潛山之捷，屍填溝壑，便當乘勝追奔，不令逸去。卽子儀克新店而收東京，懷仙克河陽而滅朝義，故曰其弱可擒也。又若襄陽初陷，獻忠橫恣，六安再下，獻忠改元，若能轉敗爲功，出彼不意，卽元濟氣盛而李愬夜襲淮蔡，潁川甫陷而長源規取范陽，故曰其驕可掩也。又若南陽之敗，自成蓄謀以圖漢陽之取，自成懸金以購，若能用謀出奇，兩虎自鬪，卽呂布交疎於袁術，慶緒授首於思明，故曰其衅可間也。乃諸臣計不出此，而天與不取，地險坐失，遠棄漢川，近防江夏，纔屯石站，以渡南溪，以至萬元吉才同崔浩，不竟其用。李乾德、孔希貴、智垓、淮陰、勢絀而走，賀逢聖、蔡道憲、忠、比、睢、陽、力盡而死，比至歲月遷延，四分五裂，師老財匱，而天下之大勢去矣。然予以元和討賊，全倚裴度，建興恢復，獨任武侯，而楊嗣昌者，白面書生，不嫻將略，寇氛剽銳，卽非邾、魯之移疾，大藩蹂躪，便同孟昶之仰藥，雖復引義自裁，亦云無媿，而應元士傑，尙昧發蹤，如虎人龍，終乖駕馭，譬之次律、陳濤之敗，中軍石頭之衄，爲法受惡，亦所不得辭也。論者又以獻猶據蜀，闔則犯闕，法行誅薄乎滅等，而不知獻亂以來，財賦絀於吳楚，士馬斃於荆襄，民命塗於中野，夫是以瓦解土崩，一蹶而壞，譬猶

人之死也。獻其手。而後闔刺其心。獻其胸。而後闔扼其吭。則獻之與闔。厥罪惟均也。窮奇極尤。又可以九品差次乎哉。

李自成之亂

國以民爲本。民以食爲天。故曰積貯者天下之大命也。史稱關中大祲。而三輔寇盜縱橫。周官荒政十二。而興大業。以役貧民。至若清徐歲饑。樊崇以起。長垣歲凶。仙芝作亂。蓋揭竿之變。往往由於懸磬之匱也。況乃汰郵驛。滅冗卒。使亡賴奸人。無所得衣食。則益煽而爲亂。走死地如鷲耳。崇禎之初。銳意恭儉。東南織文。西北游徼。並行裁罷。而李自成以驛胥失職。值飢民不沾泥等倡亂。延安因往從之。又與耿如杞潰兵相合。旬月之間。衆至萬餘。推爲闖將。蓋潰兵得飢民。則嚮道旣精。飢民得潰兵。則壁壘益厚。又況延綏地連邊鎮。俗嫻弓馬。民多獷悍。秦長西陲。雄制列國。唐起靈武。終復兩京。揆之自成起事。雖屬毛賊。實則勁旅也。此時明察之官。剽銳之將。便當厚集衆師。一鼓擒滅。比之唐周上書。馬元軍裂。宋賢謀亂。鷹揚捕斬。斯爲得之。而乃養癰坐大。馴致蔓延。豈非計之失耶。雖然。自成之起。延安也。自秦入豫。由蜀躡楚。轉寇關東。僭號襄鄧。十餘年之間。曹文詔敗之於商維。陳奇瑜敗之於漢中。左光斗敗之於富平。左良玉扼之於武關。賀人龍破之於靈陝。孫傳庭敗之於襄城。亦未嘗不自縛乞降。投繯引決。而究至狼奔豕突。死灰復燃者。則以號令乖方。韜鈴不飭。中朝無良平之謀。

而行間無李郭之將也。乃者車廂峽之困。自成解甲矣。而更給粟免死。興平武功之捷。自成計阻矣。而乃緩兵待撫。嶠函合圍之舉。自成坐斃矣。而云圍師必缺。又且得臣之猛。按劍行誅。節度之師。同日奔潰。以至嗣昌仰藥於前。傳庭陣亡於後。而天下事不可爲矣。自成乃更北攻甯夏。略定三邊。東搗居庸。長驅京邑。洎乎祿山陷。都惟事聲色。黃巢入篡。大掠貲財。突令言於宜春。坐朱泚於北闕。遂使銅駝榛莽。鐘簷灰銷。自古潢池之禍。未有若斯之酷者也。嗟乎。彼自成者。非有殊才絕力。不過狡黠善騎射耳。而謀主牛金星。顧君恩輩。則并窺之智也。孽黨劉宗敏。白旺等。則狃犬之猛也。奈何千丈之隄。潰於蟻穴。天府之險。踣於困獸哉。以予論之。假令貨賄屏絕。則將必盡材。文法便宜。則權不中制。而又有武侯以興復。自任。晉公以討賊。自效者。卽寇雖鷓鴣。張不難一舉而撲滅之也。然則顛覆之禍。固當責之廟弊。與

甲申之變

粵稽懷宗以戊辰卽位。而李自成諸賊。卽以是歲起延安。禍本相等。若與俱始焉。自茲以後。懷宗未明求衣。徵兵檄餉。日以討賊爲事。而自成輩蹶而復振。有同鳥獸之散。忽若鳶鳥之聚。遂使民勞板蕩。將實妖氛。蓋至十七年之久。而黃巢直逼關門。赤眉大入內地。雖有智者。又安所謀禦敵哉。乃若正旦風霾。孝陵夜哭。四星入月。地隴下移。則天變見矣。又若僭號咸陽。略據太原。突入居庸。驟窺畿輔。則地險失矣。更若勤王之檄。徵者未赴。

罪己之詔。聞者不感。飾賈吏於輦下。而機務盡輸。誘撥馬於營中。而偵刺鮮實。則人事去矣。當此一時。苟且以自救。忍恥以圖存者。止三策耳。余應桂請會師。眞保吳麟徵請徙帥入衛。范景文李邦華請遷國南都。此其可行者也。然而發言盈庭。是用不集者。智絀於晚圖。而事乖於窘步也。卒之北門瑣鑰。盡之。豹闕東閣鼎錯。徒聞肉食。怒乏瓊林之聚。兵多祈父之呼。奪禁門而不啟。幸戚里而却還。斯時虞淵日墜。空想揮戈。周鼎天移。誰能沒水。蓋至後宮賜盡。三王出奔。國破家亡。既血飛於綉襪。生離死別。又腸斷於桓山。豈非涉亂世而多艱。生皇家而不幸者乎。更可哀者。酌卮內殿。望火南宮。殺身取義。甯從青蓋之占。披髮投環。不入景陽之井。然且朕屍可裂。民命毋殘。恨結幽泉。言存衣帶。語云。國君死社稷。又云。亡國正其終。宜乎孽虜之勢。御誓欲前驅。而拔舍之大夫。相從地下也。然而致禍有由。因衰激極。彼周業衰於幽厲。不在憚狐。漢道替於桓靈。豈關蜀郡。故明不亡於武皇者。以孝宗之蘊澤厚。而明無救於懷帝者。以熹廟之留毒長也。乃論者又以善善惡惡。郭公致亂。知人則哲。帝堯所難。卽懷宗遺詔。亦以諸臣誤國。理或有然。

甲申殉難

聞之君臣大義。有死無貳。忠孝大節。有死無隕。以故須漕碎體。弘演納肝。蕩陰被矢。侍中濺血。莫不氣激傾軔。志堅化碧。皜皜乎與秋日巖霜比潔也。然而爲之君者。或智昏殺麥。恩同草芥。有若東昏在齊。屠肉沽酒。孫皓

居吳燒鋸截頂而且輒道牽牲冀存末裔東堂索蜜猶丐餘生甚乃騎導劉聰之敗身墜景陽之井莫不義辱宗社形污囚繫然爲之臣者猶尙奮臂不顧蹈難如歸辛賓之死抱而不解吉朗之亡哭而爛言嗚呼主辱臣死無所逃也況乎懷宗宵旰臨朝啼噓畢命公主堪胸妃后並縊引經死社稷遺詔愛百姓自古亡國正終未有若斯之烈者以故鼎湖弓墜到處攀髯望帝魂歸自然啼血雖穆滿之一軍皆化田橫之五百從死傳美殺身成仁易稱致命遂志蓋亦未爲過也考其時闔門同死者中允劉理順新樂侯劉文炳惠安伯張慶臻宣城伯衛時春駙馬鞏永固金吾高文采是也父與子俱死者少司寇孟兆祥儒生張世僊是也母與妻子俱死者樞部郎成德金鉉是也妻妾從死者大學士范景文左諭德馬世奇檢討汪偉御史陳良謨勛丞于騰蛟是也獨身效死者大司農倪元璐中丞施邦曜廷尉凌義渠少司馬王家彥太常卿吳麟徵庶子周鳳翔給諫吳甘來御史王章陳純德吏部郎許直兵馬姚成中書宋天顯滕之所阮文貴百戶王某知事陳貞達經歷張應選毛維張是也聞難餓死者長洲諸生許琰是也凡此諸臣者無論道術素許至性勃發位列三階榮邀一命莫不椎心扼吭追路相從良以衣帶夙銘馮生者固少宮車晏駕尋蟻者益多耳若乃袁景倩之父子並燬石頭江萬里之夫妻同趨止水甚者一門伏劍閭室自焚雖祖宗豢養之恩亦懷帝拊循之效也論者又以生多誤國死未酬君夫文山開闔宋室何功張巡嚼清睢陽不守而諸人乃以刀筆之深文詆箕尾之義魄含血噴人

適以自污其口矣。又若李國楨斬袁送葬。絕命陵前。王承恩扶服煤山。雉經亭下。以至茶備湯之理。勵哭梓宮。觸石而死。抑何盡節之多也。嗚呼。石窮河西。盡有吾君之痛。風車雲馬。猶聞殺賊之聲。予蓋讀懷帝之君臣而歎其亡國之正。雖與日月爭光可也。